

December ta habri cu e di 9 accidente fatal den trafico



Pagina 3

- **Sospechoso I. Paesch den Corte awe pa caso di asesinato di Rene J. Paesch**

Pagina 3

- **Gobierno ta adverti Cft: Rumor tocante CGA por causa daño na Corsou su estabilidad financiero**

Pagina 8

- **Hulanda: Proximo tanda di combersacionnan di coalicion ta cuminsa**

Pagina 9

Segun VDA: Conscientisacion y educacion ta clave contra menasanan digital



Pagina 4

Colombia ta expulsa miembronan di secta Hudiu ultra-ortodox, Lev Tahor



Pagina 10

Israel ta bisa cu lo habri e crusada di frontera na Rafah atrobe



Pagina 23

Temporada di yobida ta haciendo presencia di Giant African Snail na Aruba mas notabel

Varios ciudadano riba nos isla a cuminsa reporta cu a mira e Giant African Snail, cual ta causando alarma memey di comunidad. Pa motibo di esaki, Santa Rosa a comparti un comunicado unda a brinda mas informacion tocante e especie aki y a aclaria cu durante temporada di yobida tin mas probabilidad di mira e Giant African Snail den cierto parti di nos isla.

Giant African Snail (GAS) ta e nomber comun pa varios especie di slak Africano grandi y nan ta popular den e mercado di mascota. E especie aki ta un menasa pa tanto bestia como ser humano, pa motibo cu e por transmiti parasitonan y diferente otro malesa.

Gobierno di Aruba ta al tanto cu e Giant African Snail (GAS) ta presente riba e isla for di aña 2011. Via un e-mail, Departamento di Agricultura, Cria y Pesca (DLVV) a ricibi confirmacion di Dr. Robinson, malacologista, ken awendia ta retira di United States Department of Agriculture (USDA), via e tres conchanan cu DLVV a manda pa su persona.

Ariba un boletin publica riba red social, DLVV a tuma nota di e mencion di presencia di GAS den e temponan aki unda e isla ta mirando hopi yobida. Segun DLVV a informa, slaknan por lo general “pa sobrevivir segura ta estiva, esta bay den dormancia anto ora cu humedad aumenta, manera awor, ta bolbe bira activo.”

Via e boletin aki, DLVV a trece conscientisacion pa esnan cu mira GAS pa awor “piki nan cu un man cubri cu un saco di plastic sin buraco anto herbe nan mata. E resto, cu ta comestibel, despues por composta of cria cacho of pushi cune.” Algo importante ta pa tene cuenta cu e caracteristicanan di e slak GAS, pa motibo cu si no tuma esaki na cuenta por mata slak indigena, mirando cu aki na Aruba nos ta conta cu 18 sorto. DLVV a splica cu un GAS por bira “hopi grandi, te 1kg, su carni por varia di color di crema te bruin scur.”

Dr. Roda di USDA den un webinar cu DLVV a atende na 2022 a mostra e diferente “color morph” cu e GAS por tin. “Esun cu e estado di Florida a combati na añanan 60 tabata hopi scur den su cuero y concha. Esun na 2022 haya tin un cuero hopi cla y su concha tambe ta hopi cla strepia bruin. E GAS por pone di 100 pa 500 webo den un solo biaha y su webonan ta rond pa oval, ongeveer 5mm den largura, di color crema te geel.”

E concha ta conico, pues e tin mas cu 7 draai y por midí te cu 30cm aunke normalmente esaki ta 5 pa 13cm. A diferencia di esaki, “e slaknan di Aru-



ba por lo general sa ta mas chikito cu 5cm” y pa motibo aki ora e “GAS ta recién naci, e por ta difícil di distingui di e esun di Aruba. Por lo general GAS ta esun cu hende lo haya den areanan urbano debi cu e construccion lo a elimina esun di Aruba.”

Recomendacion

Den su recomendacion tocante kico pa haci cu e GAS, DLVV ta conseha pa herbe of vries nan mata. Pa vries ta recomenda cera nan den dobel saco di plastic y laga esaki un dia largo pa ta sigur. No ta consehabel pa dal nan mata, pa motibo cu esaki por spart nan webo rond cu e consecuencia cu mester keda vigila e area pa ora e webonan broei despues di dos pa tres siman.

Ademas, aplicacion di kimico pa deshaci di GAS tampoco no ta recomendada pa varios factor, entre nan ta cu nan ta pone webo prome cu nan muri, e hecho cu mester vigila unda nan ta pa tira e kimico y despues keda pendiente cu cacho of mucha no mishi cu e kimico y den caso cu awa yobe, mester bolbe tira e kimico.

E uso di salo tampoco ta recomendabel pa deshaci di GAS, pa motibo cu tin e problema cu e cantidad di salo necesario lo depende riba e peso di e GAS. Acerca ta bin cu e salo ta bira un probabel contaminacion pa e suela den cual lo deshaci di e GAS morto.

Ta importante pa tene cuenta cu mester evita transporta tera di unda e GAS a ser haya, esaki ta pa motibo cu e por contene webo di GAS y ta un manera cu por infecta otro areanan. DLVV a trece dilanti e ehempel cu “a pidi un

cliente pa hiba su matanan back pasobra e pochinan tabata contamina cu GAS. Principalmente awor cu hopi ta haci cura limpi pa ricibi bishita di Pasco, mester mira bon cu e resto no ta contene slak.”

Caribe

E hecho cu tur e maneranan aki no ta recomendabel pa mata slak, ta haci esaki difícil pa elimina. Na 2020 Florida a declara su mes liber di slak despues di 9 aña, sinembargo na 2022 nan a bolbe. Rosimar Morales di USDA-Animal and Plant Health International Service Plant Pest Quarantine Puerto Rico a elabora ariba con nan a sondea pa e GAS en bista cu otro nacionnan den Caribe cerca di Puerto Rico a reporta su presencia.

Segun DLVV, nan a haci inspeccion na 330 luga di cual 321 no tabatin incidente. Esnan cu a haya nan “a tene un 200m di radius di centro cu nan a inspecciona intensivamente y 400m di radius di buffer cu nan a inspecciona riba bista solamente. Ora nan a haya e slak, nan a combati esaki te saca vegetacion cu suela y kima esakinan.”

Jason Stanley di Florida Department of Agriculture and Customer Services a papia tocante e teamnan di cacho cu tabata sali pa detecta si por tin GAS y teamnan cu tabata traha anochi ora cu GAS tabata sali. DLVV ta conta cu pa deshaci di tera y vegetacion contaminada nan tabata colecta esaki den dobel saco di sushi y deshaci na dumpnan asigna.

E departamento a sigui comparti cu “aki na Aruba nos ta conta cu un solo dump, y ta un solo incinerator e tin.

Bret Taylor, ken ta Senior Agriculturalist Officer na Ministry of Agriculture Food & Nutritional Security di Barbados a participa cu su ministerio a ofrece lokaas y metaldehyde por nada na habitantenan pa combati e GAS. Nan a conduci bioassays pa evalua e kimico cu mihor ta caba cu e slaknan y bao di cua tempo e ta mas efectivo. Asina Barbados di 2009-2013 a ofrece bounty pa cada slak morto y a destrui 392 ton.”

Den un slide di e presentacion, DLVV por a mira “con hende a coba un pit 30cm hundo anto cubri hopi slak cu hopi palet pa kima nan.” Ora awa a yobe e pit a yena cu awa y net esey ta e periodo unda e slak ta bira activo. Te ainda e GAS ta persisti na Barbados. Dr. Janil-Gore Francis di Antigua and Barbuda na 2008 a reporta e presencia di GAS na IPPC pasobra e ta un “notifiable pest”. “Te awe ainda GAS no a pasa pa Barbuda. Dr. Francis a mostra ariba e corelacion di GAS cu e tempo,” DLVV a declara.

“Asina na Antigua durante segura ta colecta 160 slak pa ora mientras den temporada di yobida e ta 500. Nan a conduci un Impact Assessment survey di November 2021 pa Juni 2020 cu a mostra cu e averahe di e gasto pa luna ta 140 US\$. Curaçao a mencionna cu di 2016 tin e. Banda di e GAS Dr. Roda tambe a menciona otro 3 slaknan famia di Achatina cua, Dr. Albert Mead segun Dr. Roda, ta precedi cu e Limicolaria aurora lo bira un peste mas grandi. Ya tin lugarnan unda el a reemplasa e GAS,” DLVV a informa.

December ta habri cu e di 9 accidente fatal den trafico

Ayera, polis a comparti e lamentable noticia cu Aruba a conoce su di 9 morto den trafico. Esaki relaciona cu un accidente cu a sucede dialuna merdia.

Dialuna 1 december 2025 den oranan di merdia, central di polis ta wordo notifica cu un auto lo a alcanza un pea-

ton na Pastoor Hendrikstraat na San Nicolas. Central di Polis ta despacha Polisnan di San Nicolas y ambulance.

Na yegada di e prome patruya ta bin encontra cu un hende homber riba caminda y su situacion tabata musta hopi critico.

Ambulance a yega na e sitio y ta estabilisa e victima y bay

cune cu maximo urgencia pa hospital y na unda a percura pa cera e crusadanan importante cu diferente patruya pa asina por yega lihe y sigur Hospital.

Specialista di trafico y polis tecnico a presenta na e sitio pa haci nan investigacion. Departamento di Slachtofferhulp tambe a wordo informa

pa asina brinda asistencia na famia di e victima. Diamars anochi ta drenta informacion lamentabel cu pa 11:45 pm e victima di e accidente a fayece.

Ta trata di e victima Vincent Antonio Rohan naci dia 12 september 1948 (77 aña) na Aruba. E victima ta bira e di 9 morto den trafico pa aña

2025.

Cuerpo Policial y Bon Dia Aruba ta manda palabra di condolencia na e famia di e fayecido.

Alabes Cuerpo Policial kier recorda cu ta ultimo luna di aña y pa ban trankilo den trafico, baha velocidad, cumpli cu reglanan y paga bon atencion den trafico.

Miembro di Tweede Kamer ta busca claridad riba tension entre Merca y Venezuela

Y e posible consecuencianan pa e parti Caribense di Reino

E tension creciente entre Venezuela y Merca un biaha mas ta lanta preocupacion na Den Haag. Miembro di Parlamento Ralf Dekker (FVD) a entrega preguntanan na Minister di Asuntonan Interior y Relacionnan den Reino demisionario, Frank Rijkaart, y Minister di y Asuntonan Exterior demisionario, David van Weel, tocante e impacto potencial di e situacion riba Aruba, Corsou, Sint Maarten, y e municipi-

onan special.

E preguntanan ta bin na momento cu Venezuela un biaha mas ta desplegando un aumento di actividad militar y e tono diplomatico entre Caracas y Washington ta bira mas fuerte. Pa e islanan Caribense di Reino, cerca di e continente Venezolano, esaki ta trece recuerdonan di periodonan anterior di inestabilidad den cual Aruba y Corsou a sinti e consecuencianan inmediato.

Parlamentario Dekker a puntra e gabinete con ta evalua e situacion actual y ki riesgonan



tin pa e partinan di Reino den region. E kier sa si tin contacto activo entre Den Haag y e gobiernonan di Aruba, Corsou, y Sint Maarten, y kico gobierno ta considera e riesgonan inmediato di seguridad.

Ademas, e parlamentario di FVD ta lanta preguntanan tocante e posibilidad di fluhonan di migracion nobo. Durante crisisnan anterior, miles di Venezolano a bin Aruba, poniendo un presion significativo riba capacidad di recepcion, cuido medico, y aplicacion di ley. Tweede Kamer kier sa si tin indicacion cu un situacion asina por surgi atrobe y si gobierno ta preparando pa un posibel fluho.

Tambe Dekker ta puntra ki



interesnan strategico Hulanda y e islanan tin den e conflicto cu ta escalando y con gobierno tin pensa di evita cu “sin intencion ta bira un partido” di e tensionnan entre e potencianan grandi, mientras cu toch ta garantisa e seguridad di Reino.

Aruba su ubicacion y tamaño geografico ta haci e particularmente vulnerabel pa desaroyonan geopolitico. E ta solamente 27 kilometer leu for di Venezuela. Durante e peak di migracion di 2016–2019, e consecuencianan a ser sinti mesora riba e isla: fluhonan di migrante via lama, presion riba Wardacosta y Polis, refugio di emergencia y ayudo humanitario, y efeccionan economico debi na interrupcionnan den comercio

regional.

Aunke ainda e ministernan no a contesta e preguntanan, recientemente minister demisionario Rijkaart papiando den e programa Hulandes, WNL Op Zondag, a bisa cu e ta tene cuenta cu “tur escenario”, describiendo e situacion como un den cual cautela – no complacencia – ta esencial. Maske e islanan ta keda trankil pa awor, el a bisa cu gobierno ta observando e desaroyonan “cu wowo skerpi,” agregando cu lo ta irresponsable pa actua como si tensionnan regional ta leu di Caribe Hulandes. “No ta e intencion pa e islanan haya nan mes involucra den planan di Trump,” e minister a bisa, enfatizando cu mantene estabilidad ta su prioridad top.

Ta conoci cu durante crisisnan regional anterior, e comunicacion entre Den Haag y e islanan tabata estrecho. Pa Aruba, ta specialmente importante pa Den Haag duna un bista na tempo riba analisisnan di riesgo, pa asina e isla no keda sorprendi pa desaroyonan of analisisnan cu solamente ta ser comparti despues di e hecho.

Un escalacion di tensionnan entre Merca y Venezuela por trece no solamente riesgonan di seguridad pero tambe retornan economico y humanitario: interrupcion di comercio y envio, perdida di confianza di turista pa motibo di reportahe internacional negativo, presion riba negoshinan chikito y importacion, y aumento di presion riba organisacionnan local di ayudo.

Experiencia di Aruba den pasado ta muestra cu por sinti cambionan na Venezuela casi mesora den prijs di cuminda, disponibilidad di producto, y movementonan di migracion.

FVD kier pa e gabinete entrega un analisis di riesgo actualisa na Tweede, delinendo scenarionan pa seguridad, migracion, economia y relacionnan diplomatico. Documentonan asina por lo general ta keda parcialmente confidencial, pero segun e Parlamentario, un version publico por ta necesario pa transparencia pa cu e paisnan autonomo.

Sospechoso I. Paesch den Corte awe pa caso di asesinato di Rene J. Paesch

Aruba a keda impacta door di un crimen grave cu a tuma luga dia 23 di augustus 2025 na Coba Lodo, ora un homber a perde su bida den un incidente violento cu aparentemente tin su raiz den un conflicto familiar. I. Paesch, ta ser considera como sospechoso principal den e morto di Rene J. Paesch, un homber di 34 aña naci na Aruba.

Segun informacion oficial di Cuerpo Policial di Aruba central di Polis a ricibi un

yamada pa 6:07 di mainta cu tabata indica cu un persona tabata benta band'i caminda despues di scucha varios tiro. Patruya y ambulance a ser manda cu urgencia, pero na yegada paramediconan no por a salba e victima. Dr. Voskuil eventualmente a constata morto di e homber, y e curpa a ser tuma den beslag pa investigacion adicional.

Polis a detene un homber, I. Paesch, relaciona cu e suceso y a confisca un auto y un brommer como parti di e investigacion. Segun infor-

macion cu tabata circula den medionan di comunicacion y riba rednan social ta cu e victima a ser tira pa su propio primo, autoridadnan no a confirma oficialmente esey durante e fase inicial.

Despues a sali na cla cu e incidente a sucede pa motibo di un diferencia di opinion cu tabata andando pa un tempo basta largo caba entre e dos hombernan.

I. Paesch ta ser acusa di tuma intencionalmente bida di un persona door di haci varios

disparo y dal'e repetidamente na su cabes. E ta ser acusa tambe di posesion di un arma di candela, municion, y cocaina riba mesun dia di e crimen.

Awe 4 di december, I. Paesch ta presenta den Corte compaña di su abogado, Zuhaila Arends-Marchena, pa e audiencia preliminar, e asina yama regiezitting. E audiencia preliminar ta solamente un sesion Pro Forma, loke ta nifica cu e caso no lo ser trata den profundidad durante e sesion aki. Durante e sesion,

e acusacionnan contra e sospechoso lo ser lesa, y e hues lo fiha un fecha nobo pa e audiencia principal.



Seguridad Cibernetico na Aruba

Segun VDA: Conscientisacion y educacion ta clave contra menasanen digital

Aruba su panorama digital ta evolucionando na un ritmo extraordinario. Cu mas hende ta dependiendo di internet pa trabou, educacion, entretenimento, y comunicacion, e isla ta biraando mas y mas conecta. E crecimiento aki ta trece hopi beneficio, pero tambe e ta expone e comunidad na riesgonan online nobo y cu ta cambia rapidamente.

Den un entrevista cu Bon Dia Aruba Marilyn Spagnol-De Kort, Hefe di Seguridad di Informacion Interino na Veiligheidsdienst Aruba (VDA), a elabora tocante con e desaroyonan aki ta ser vigila di cerca, y con comunidad por ta alerta pa mantene seguridad cibernetico den nan hogar.

Tendencianan recien ta muestra cu e menasanen cibernetico cu ta afectando Aruba ta biraando mas sofisticada, mas frecuente, y mas dificil pa detecta. Comprendemento di e menasanen aki—y sa con pa responde—ta esencial pa proteccion propio, di famia y institucionnan.

Spagnol-De Kort a splica cu un di e retonan mas significativo awendia ta e aumento di noticia falso, mal informacion y “deepfakes”. E forman aki di contenido manipula por plama lihe y influencia creencia, emocionnan y comportacion di hende. Deepfakes, en particular, a avansa dramáticamente, haciendo posibel pa crea video, stem of imagennan sumamente convincente di individuonan bisando of haciendo cosnan cu nunca nan no a haci.

Como cu e hermentnan aki ta ampliamente accesibel awor, a bira mas y mas dificil pa e publico distingui contenido real for di material fabrica. Hobennan, cu hopi biaha ta consumi informacion rapidamente a traves di plataforman manera TikTok, Instagram y Snapchat, ta especialmente vulnerabel pa cay den trampa. Reconociendo esaki, VDA a partner cu Parlamento Hubenil na 2024 pa yuda hobennan comprende miho con contenido manipula ta funciona, con pa cuestiona loke nan ta mira online, y con pa verifica e autenticidad di informacion prome cu comparti esaki.

Intencionan di phishing y atakenan riba sistema di email tambe ta un preocupacion creciente. Spagnol-De Kort a splica cu e estafanan aki tipicamente ta yega como mensahe of emailnan cu ta parece legitimo, imitando contactonan di confianza, compania of institucionan



gubernamental. Nan meta ta pa gaña individuonan pa comparti informacion delicado, manera contraseña, number di credit card of datonan personal. Unabes cu un solo cuenta di email ta comprometi, hopi biaha e atacantenan ta us’e como un punto di lansamento pa dirigi riba victimanan adicional, haciendo e menasa mas generalisa ainda.

Na 2024 y 2025, VDA y Korps Politie Aruba (KPA) a emiti varios alerta publico despues cu olandan di email di phishing a circula riba henter e isla. Den hopi caso, criminalnan a explota cuentanan local, causando cu victimanan a confia e mensahenan simplemente pasobra nan tabata parece di bini di fuentenan conoci y creibel.

Un otro tendencia preocupante cu Spagnol-De Kort a menciona ta e aumento den schemanan di inversion fraudulento, particularmente esnan liga na criptomoneda. E schemanan aki hopi biaha ta depende di tacticanan di presion halto, aprobacionnan falso, of videonan manipula diseña pa crea e ilusion di legitimidad. Hende ta ser seduci cu promesanan di ganashi rapido of rindimento garantisa, solamente pa descubri despues cu e oportunidad tabata un estafa. E perdidanan aki por ta substancial, y e daño emocional y financiero por ta duradero. E combinacion di mercadeo engañoso, contenido falso realistico, y e naturalesa rapido di financiamiento digital a crea un ambiente caminda hopi hende no ta sigur ken pa confia.

Fuera di estafanan individual, Aruba tambe ta confrontando menasanen cibernetico mas amplio y compleho. Manera enfatisa den e Rapport Anual di VDA di 2024, e ambiente di menasa general di e isla a expande significativamente. Digitalisacion aumenta, combina cu avancen rapido den inteligencia artificial, a crea camindanan nobo pa actornan

malicioso. Menasanen cibernetico awendia ta bay hopi mas leu cu hacking tradicional. Awor nan ta inclui actividadnan manera “hacktivism,” den cual gruponan motiva politicamente ta stroba sistemanan of ta ataca institucionnan, y spionahe cibernetico, den cual informacion sensitivo ta ser dirigi pa propositonnan strategico. E desaroyonan aki ta refleha un tendencia mundial, pero nan impacto riba comunidatnan chikito manera Aruba por ta especialmente profundo.

Aunke e riesgonan aki ta hopi real, tin pasonan practico cu tur hende por tuma pa reduci e posibilidad di bira victima. Spagnol-De Kort a splica cu un di e custumbernan mas importante ta pa verifica informacion prome cu confia of comparti esaki. Den un mundo caminda contenido manipula por circula dentro di algun seconde, para keto pa controla si algo tin sentido—y si e ta bini di un fuente di confianza—por preveni plamamento di mal informacion.

Otro paso importante ta pa keda atento ora di wak imagen of videonan online ta igualmente importante. Deepfakes y contenido edita hopi biaha ta contene inconsistencianan sutil, manera movementonan innatural, iluminacion desigual, of audio cu no ta cuadra cu movementonan di boca. E detayenan chikito aki por duna señal cu e contenido a ser manipula, hasta ora e ta parece convincente na prome bista. Ora algo ta sinti un poco inusual of mucho sensacional, ta bon pa cuestiona su autenticidad.

Spagnol-De Kort a splica cu varios herment online por sostene e proceso di verificacion aki. Buskeda di imagen inverso, por ehempel, ta permiti usuarioman pa wak unda un potret a aparece prome y si el a ser reusa of altera. Plataformanan di control di hecho por yuda aclaria si un declaracion cu ta circula online ta exacto.

Hasta un buskeda rapido online por revela si un anuncio of mensahe a ser confirma pa fuentenan oficial. Algun momento di control por preveni mal comprendemento y proteha individuonan di daño potencial.

Spagnol-De Kort ta enfatisa cu precaucion tambe ta esencial ora ta considera oportunidadnan di inversion, especialmente esnan promovi a traves di rednan social of mensahenan directo. Si un oferta ta priminti rindimentonan excepcionalmente halto of inusualmente lihe, e mester ser trata cu skepticismo. Esaki ta particularmente berdad pa inversionnan relaciona cu cripto, cu hopi biaha ta combina tecnologia desconoci cu mercadeo online agresivo. Oportunidadnan di inversion confiabel no ta presiona individuonan pa tuma decisionnan rapido, ni nan no ta garantisa ganashi.

Proteha informacion personal di un hende ta un otro paso critico. El a remarca cu comparti datonan delicado cu website of personanan desconoci por expone hende na ladronia di identidad, fraude of compromiso di cuenta. Fortalece seguridad di cuenta—manera usa autenticacion di dos factor, passwordnan fuerte y settings di privacidad—tambe ta reduci vulnerabilidad. Y ora un incidente sucede, sea e ta encera un cuenta di email comprometi, un mensahe sospechoso, of bira victima di un estafa, ta esencial pa raporta esaki mesora.

Spagnol-De Kort a indica cu den e ultimo añanan, Aruba a conoce un aumento notable den estafa online y incidentenan cibernetico. Noticia falso y contenido di deepfake a bira mas comun, manera documenta den e Relato Anual di 2024 di VDA. Atakenan di phishing ta sigui crece, cu varios ola grandi cu ta rekeri alerta conhunto di VDA y KPA. Adicionalmente, criminalnan cibernetico tin e tendencia di

intensifica nan actividadnan durante periodonan specifico.

Globalmente, tanto e lunanan di vakantie di zomer como e temporada di Pasco ta conoci pa aumento den atakenan cibernetico. Durante e tempo aki, hende ta mas distrai, compras online ta aumenta, y hopi individuo ta ricibi un volumen mas halto di email y mensahenan promocional. Criminalnan ta probecha di e ambiente aki door di lansa notificacionnan di entrega falso, ofertanan di biahe engañoso, peticionnan pa donacion fraudulento, y estafanan disfraz como descuento di vakantie. Aruba ta sigui e mesun patronchinan global aki, p’esey ta encurasha publico pa keda especialmente vigilante durante e temporada di fiesta.

Spagnol-De Kort ta enfatisa cu fortalece conscientisacion den henter comunidad ta esencial pa atende cu e retonan aki. Campañanan di informacion publico, programanan di scol, alcance di medionan di comunicacion, y discusionnan den comunidad, tur, ta hunga un rol importante den yuda hende reconoce peligernan online y responde apropiadamente.

Sinembargo, el a remarca, conscientisacion mester ta combina cu trayectonan di reportahe cla. Ora un hende topa cu un incidente cibernetico—sea un intento di phishing, un cuenta comprometi, of un mensahe fraudulento—mester raporta esaki directamente na polis. KPA ta sirbi como e prome punto di contacto pa publico en general den e casonan aki y por guia e victimanan riba e pasonan cu nan mester tuma mientras tambe ta inicia un investigacion ora ta necesario. VDA su tip-line ta keda disponibel pa asuntonan relaciona especificamente cu seguridad nacional, pero incidentenan cibernetico di tur dia ta ser maneha miho door di polis for di comienso.

Segun cu Aruba ta sigui brasa transformacion digital, seguridad cibernetico a bira no solamente un tema tecnico pero un responsabilidad social comparti. Cada persona ta hunga un rol den construi un ambiente online mas sigur. Door di keda informa, keda alerta, practica comportacion cuidadoso online, y informa incidentenan ora nan sucede, tur hende ta contribui colectivamente na un futuro digital mas resiliente y sigur. Cybersecurity ta cuminsa cu conscientisacion, y un Aruba mas sigur ta cuminsa cu tur ciudadano.

Editor

Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #13307728

Operations Manager

Mariette Engelhart-Boekhoudt

Redaccion

noticia@bondia.com

Pilar Flores (hefe di redaccion)
Angenette Figueero (closer editor)

Leo Maduro
Dilma Arends
Raisa Montilla
Oriana Geerman

Ehecutivo di Benta

Sulaika Croes
sulaika.croes@cspnv.com
Mark Gomes
mark.gomes@cspnv.com

Aviso y Arte

Sandra Loefstop
Lisa Tromp

Departamento Digital

Juan Luis Pinto

Administracion
accounting@bondia.com

Martha Arteta de Ariza

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)
Pablo Libre

Press

Roland Schenker (Hefe)
Omar Ramirez
Martin Boekhoudt
Francis Dirks

Colaboracion

Associated Press
Ret Karibense
Data Key

Afiliacion

Sociedad Interamerica
di Prensa (SIP)

DIRECCION

Adres: Weststraat #22
Tel: 582-7800
Email: noticia@bondia.com
aviso@bondia.com
info@bondia.com
Website: www.bondia.com
Facebook: @bondianoticia
Instagram: bondiaaruba

BON DIA ARUBA ta un corant redacta y imprimi na Aruba y ta obenibel di dialuna te cu diasabra. Ningun contenido por wordo reproduci sin permiso di editor.



Editorial

Economia ta bon...? *Pa esun cu ta bon caba...*

Nos economia ta bayendo bon, hasta mihor cu a anticipa pa e aña aki. Y posiblemente esaki por percura pa un mihor 2026 tambe, dependiendo di situacion internacional naturalmente. Tur instancia envolvi den sigui nos economia ta di acuerdo encuanto esaki, esey nos no mester discuti. Tur hende contento anto? No, pasobra nunca avance economico general ta significa mesun prosperidad pa tur hende den un sociedad y esun di nos no ta un excepcion. Y ta aki lo mester traha pa mehora condicion di bida, mas tanto pa esnan cu ta kedando atras den e progreso actual.

Loke nos por mira actualmente ta cu e estadisticanan general favorable no ta kita e impresion cu publico den gran mayoria tin di e mesun economia. Esey tin su splicacion: e ciudadano 'averahe' no ta sigui e cifranan general di aumento di GDP y ingreso gubernamental cu ta muestra mihor, pero ta evalua a base di su situacion individual. Esaki no tin nada straño cune y ademas, mira for di e punto di vista individual ey, nan tin razon. Y mas ainda esey ta conta pa esnan cu entrada mas modera, si nan ta mira prijs halto continuamente den loke pa nan ta prioritario pa cumpra: esey ta cuminda y otro producto di promer necesidad. Esaki ta realidad di bida rond mundo; esun cu no tin hopi pa gasta ta usa mayoria di su placa na e dos categorianan menciona aki. No tin placa pa auto, o un mihor, pa paña caro ni pa vacacion den exterior, y ni pensa mes den muda pa un vivienda mas comodo, o sali for di e camber na cas di nan mayornan, un realidad pa hopi persona hoben den nos comunidad.

E realidad aki nos ta mira refleha den e cifranan di inflacion na Aruba tambe. Tuma por ehemplo e caso di e Indice di Prijs pa Consumidor (CPI). Esaki ta un cifra cu ta refleha e cambionan durante un cierto periodo pa tur e diferente categorianan di producto y servicio ofreci dentro di economia. E cifra ey ta cambia segun e promedio di tur eseynan, pero e tendencia general ta otro cu loke cierto categoria ta muestra. Por ehemplo, por a mira recientemente un tendencia di bahada di inflacion en general, pero no den algun categoria importante pa hopi consumidor. Den cifra: e CPI general tabata na 109.12, na juli ultimo, loke ta un reduccion compara cu luna di april (109.93), pero ta mas halto cu e 108.65 cu e tabata na januari 2025. En cambio e categoria specifico di alimento (na cas) na mes momento ta na 119.07, practicamente 10 punto mas halto cu e averahe general. Otro categoria cu ta mas halto cu e averahe aki ta e categoria di 'producto no-duradero' cu ta na 112.27. Otro

categoria cu mayoria di consumidor ta tene na vista continuamente ta prijs di gasolin y diesel, cu ta varia bastante y cu na e momento aki ta mas halto cu cierto luna manera mei y juni, pero no na e nivel mas halto e aña aki. Naturalmente esakinan ta producto hopi influencia pa desaroyo riba mercado internacional. Pesey nan no mester ta obheto anto di promesa politico, pasobra nan no ta obedece na instruccion ni deseo ministerial. Energia, a base di combustible principalmente, ta sigui e mesun trayecto aki tambe. Esaki ta keda un tema importante cu no por haya solucion tanten no tin un cambio drastico den e estructura di produccion di energia, cu ta depende casi enteramente di combustible fosil, sin cambio den ultimo decada, cu energia renovable siendo ainda un proporcion minimo di e total. Si berdaderamente ta desea di baha costo di energia en general, lo mester bay mas den direccion di energia di biento y solo, tambe pasobra aki tin e oportunidad pa logra prijs mas abao. Pa ilustra esey: ta conoci na publico cu e prijs di energia di biento ta un fraccion di e prijs cu actualmente e consumidor ta paga? Durante Dialogo Social mas di 10 aña pasa a bin resulta cu e prijs – di e tempo ey – pa un KWh di e molinonan tabata na Afl.0,18, un ganga compara cu e prijs casi triple di energia a base di heavy fuel oil. Naturalmente no por conta cu un fuente di energia so, pero si por duplica e contribucion di energia di biento, ya esaki por tin influencia considerable riba prijs di coriente. Tambe energia solar en general ta sali mas barata pa KWh cu produccion a base di fuel oil o gas. Pakico nos politiconan nunca ta papia di e cosnan aki? Pakico a laga nos pega den e mesun situacion aki durante tanto aña, unda practicamente nada a sucede riba e tereno aki, salvo e tremendo fracasonan di tanto LNG como hidrogeno, si e alternativanan renovable ta sali mas barata?

Pero pa bolbe na e asunto clave aki: nos no ta mira un plan coherente pa atende e problemanan principal di e ciudadano di menos recurso den nos comunidad, mientras awor tin condicion bastante favorable pa haci algo. Lo mester keda atende nos debenan publico naturalmente, pero tin un necesidad urgente pa pone prioridad. Honestamente, nos no ta mira gobierno atende e problema di prijs di comestible halto. Pero pa ciudadano di menos recurso tin dos otro area di interes grandi: vivienda y transporte. Den ambos caso gobierno lo mester inverti, pa por tin un situacion sano di vivienda y transporte pagable. Ta inaceptable pa bisa awor cu economia a drecha, pero solamente pa esun cu tabatin perspectiva caba...

Lansamento di Plan pa Combati Obesidad na Aruba

Riba dia 1 di December 2025, Minister di Salubridad, Asunto Social, Cuido di Adulto Mayor y Maneho di Adiccion, Sra. drs. Melvin Wyatt-Ras (AVP) a presenta oficialmente e 'Plan Nacional pa Combati Obesidad 2025-2030', un strategia multisectoral dirigi na reduci e tasa di sobrepeso y obesidad na Aruba y pa fortalece salubridad publico.

Actualmente, Aruba ta enfrenta un situacion preocupante. Durante e ultimo añanan, e cifranan di sobrepeso y obesidad a subi: 79% di e poblacion tin sobrepeso (esaki ta igual na 4 di cada 5 persona); 46% ta obeso, aproximadamente 49.382 persona. Entre mucha, e cifra ta rond 42.7%.

Segun Minister Wyatt-Ras: "Obesidad no ta un asunto secundario; e ta un reto cu ta impacta directamente e salud di nos pueblo y ta manifesta su consecuencia den tur sector di nos sociedad.

Impacto humano y economico

Obesidad ta aumenta significativamente e riesgo pa diabetes tipo 2, malesanan cardiovascular y depresion. Durante pandemia di wCOVID-19, un gran porcion di pashent interna den ICU tabata persona cu sobrepeso y obesidad. Esaki a lanta un alerta serio riba e vulnerabilidad di e grupo aki.

E carga economico tambe ta considerabel: Afl. 2.907 di costo di salud pa persona pa aña; Rond di Afl. 248 miyon anual den costo relaciona cu obesidad; Aproximadamente 52% di costo total den cuido di salud.

Un plan strategico cu sosten nacional y internacional

E plan ta forma parti di e Country Cooperation Strategy 2025-2030 cu Organizacion Pan-Americano di Salud (PAHO) y ta aline cu e Plan Multisectoral Nacional pa Accion pa Malesa No-Transmisibel, cu un enfoque cu ta integra salud den tur area di maneho publico, e concepto

di "Health in all policies". Meta pa 2030:

Reduci e tasa di obesidad cu 3-5%;
Crea un ambiente cu ta facilita estilo di bida saludabel;
Fortalece prevencion, deteccion y tratamiento tempran.

E plan ta basa riba cuatro area principal:
Promove estilo di bida saludabel;
Fortalece atencion y programa pa comunidad;
Introduci guia y opcionnan di nutricion mas saludabel; w
Reforsa maneho y regulacion di alimentacion.

Esaki ta inclui intervencion di estilo di bida (CLI), programa pa mucha manera Cool2Bfit, guia di dietista accesibel, normanan pa cuminda na scol y horeca, etiketa nutricional y direccion riba oferta y marketing di cuminda. Tambe tin enfoke riba actividad fisico como parti normal di bida y colaboracion cu diferente sector pa amplia oferta di opcionnan saludabel na supermercado, horeca y food trucks.

E plan ta concentra riba me-



dida cu por logra un impacto duradero riba salubridad publico y cu por wordo implementa paso pa paso den nos comunidad.

Necesidad di colaboracion nacional
Minister Wyatt-Ras a indica cu ningun plan por logra sin cooperacion amplio di tur sector:

"Gobierno por duna direccion y establece e condicionnan necesario, pero nos mester participacion di scol, dunado di trabao, club di deporte, supermercado, horeca,

dunadonan di cuido, famianan y ciudadanonan pa logra cambio real."

Minister Wyatt-Ras tambe a elabora riba respet y trato digno pa persona cu obesidad: "Obesidad no ta un berguensa. Personanan cu ta lucha cu obesidad merece respet, comprension y cuido digno."

Esaki ta un paso importante, pero tambe e inicio di un caminda largo pa un Aruba mas saludabel. E plan a keda aproba den Consejo di Minister y su implementacion lo tuma luga den periodo 2025-2030.

Eduard Pieters di PPA: E limpieza cosmetico no ta e solucion

Aruba mester un maneho integral pa adictonan ambulante"

E situacion den centro di ciudad, specialmente e presencia constante di e adictonan ambulante, ta keda un preocupacion serio pa comercio, turismo y seguridad di nos pueblo. Awe mainta, durante un conferencia di prensa directo na e area mas afecta, parlamentario Eduard Pieters (PPA) a bolbe trece dilanti e urgencia di un solucion real. Despues di e limpieza cosmetico cu KPA a haci algun tempo atras, e realidad ta muestra cu sin un acercamento integral, nos ta bolbe na mesun situacion: mas sushi, mas daño y mas peligro.



E realidad den centro di ciudad

E negoshinan den e area ta lucha pa sobrevivi. Prijs di huur halto, problema di parkeo, benta abou y kibramento constante den e negoshinan ta crea un ambiente hopi dificil y desagradabel. E molester y menasa cu e adictonan ambulante ta causa ta pone tur hende den tension: e clientenan cu no ta sinti nan safe, turismo ta

afecta y e imagen di Aruba ta den peligro.

Limpieza cosmetico a duna un pausa visual, pero no a ataca e rais di e problema. Aki mes Eduard Pieters a enfatisa: "Esaki no ta un problema di sushedad; ta un problema di salud mental, abandono y falta di accion structural."

Gobierno sin contesta: Un falta di respet pa Parlamen-

to y Pueblo

Dia 22 di october, fraccion di PPA a manda un serie di pregunta crucial na Minister Wyatt-Ras tocante e cambio di ley, rehabilitacion obligatorio y un plan integral pa maneha e adictonan ambulante. "Awe ta 1 di december, cinco siman despues y Parlamento no a haya niun contesta.

Esaki ta bay contra e promesa di campaña cu AVP y FUTURO

a haci, esta cu nan lo duna contesta den 2-3 siman na Parlamento," Pieters a subraya.

Mientrastanto, e problema ta sigui crece. Loke tabata "limpi" den september, awe ta un desaster atrobe. Esaki ta muestra cu limpieza sin ley y sin plan integral ta simplemente tempo perdi.

Un Solucion Integral: Salud Mental, Rehabilitacion y Reintegracion

Fraccion di PPA ta enfatisa cu e adictonan ambulante no ta criminal; nan ta hende cu un malesa mental cu mester tratamiento profesional. "Desde 2013 tin un rapport completo riba e indicacionnan di salud mental di ex minister Visser di AVP, pero tin 12 aña cu Aruba no a implementa e recomendacionnan. Nos ta mira e consecuencia awe!"

P'esey fraccion di PPA ta pidi pa un ley, cu por separa e adictonan ambulante for di caya den un forma humano y obligatorio. Bin cu un centro profesional pa tratamiento, rehabilitacion y guia. Pero tambe

tin un un plan di reintegracion laboral pa evita pa nan bolbe cay den mesun spiraal.

"Un cooperacion y colaboracion inmediato entre minister Dowers, Wyatt-Ras y Eman ta necesario. Como tambe transparencia riba e plan cu Respaldo tin, cu avor ta stagna sin por haya mas profesional y tereno pa construi un clinica adecuado".

Finalmente Eduard Pieters a expresa cu tempo pa promesa sin cumpli a caba. Aruba mester un solucion duradero, integral y humano. PPA ta para firme: e adictonan ambulante ta hende cu derecho na cuido y e habitantenan y comercio ta merece un centro di ciudad sigur y digno. Limpieza cosmetico no ta suficiente ni e solucion, Aruba mester un cambio real.

Nota di redaccion: E articulo aki ta opinion di e autor y no ta representa opinion di Bon Dia Aruba.

Kico pa sa tocante e inyeccion di hepatitis B—y pakico oficialnan di Trump kier cambia recomendacion riba esaki

(AP)—Un comite consultivo federal na Merca riba vacuna ta anticipa e siman aki pa discuti si baby recien naci mester haya e vacuna contra hepatitis B—e prome inyeccion cu por preveni cancer.

Te awor recomendacionnan ta sugeri pa tur baby ser vacuna contra e infeccion di higra riba e prome dia di nan bida, pero e comite di secretaria di Salud Robert F. Kennedy Jr. ta anticipa di cambia esaki awe—contradiendo consehonan anterior pa salud publico.

No ta cla exactamente kico e comite ta considerando, pero e Academia Mericano di Pediatria ainda ta urgi un dosis na momento di nacemento, segun Dr. Sean O’Leary di e organizacion. “Nos ta bay sigui recomend’e pasobra e ta salba bida,” el a bisa.

Malesa di higra por causa enfermedad duradero

Hepatitis B ta un infeccion di higra serio cu pa mayoria hende ta dura menos cu seis luna. pero pa algun—especialmente baby recien naci y muchanan—e por bira un problema duradero cu por resulta den fracaso di higra, cancer di higra y cicatriz yama cirrhosis.

Den adulto, e virus ta plamando via seco of via compartimento di hangua durante inyeccion di droga. Pero e por ser transmiti tambe di un mama infecta pa baby. Nobenta porciento di baby recien naci cu haya hepatitis B ta keda sufrí di infeccionnan cronico, cual ta nifica cu nan sistema inmunologico no a elimina e virus completamente.

Na Merca ta calcula cu 2,4 miyon hende tin hepatitis B, y mita di e cantidad aki no ta consiente cu nan ta infecta, segun informacion for di e Centro di Prevencion y Control di Malesa (CDC). Dr. Baruch Blumberg, un



cientifico federal, a identifica e virus tras di e infeccion na 1965. El a gana un Premio Nobel pa e descubrimiento aki, cual a resulta den test y vacuna. E prome vacuna contra hepatitis B a ser licencia na Merca na aña 1981.

A recomienda inyeccion pa baby recien naci pa añas caba Pa decadas, e guia nacional riba vacunacion a ser influencia pa un panel di experto apunta pa gobierno, e Comite Consultivo riba Practica di Inmunisacion (ACIP). Su recomendacionnan usualmente a ser adopta como guia nacional cu cual dokternan ta atende regularmente.

Na 1991, e comite a recomienda un dosis inicial di hepatitis B na momento di nacemento. E guia a ser modifica un poco durante e ultimo añanan y actualmente ta sugeri un dosis dentro di 24 ora di nacemento pa tur baby medicamente stabiel cu ta pisa al menos 2 kilogram, ademas di inyeccion extra administra na 1 luna y 6 luna di edad.

Pakico un dosis na momento di nacemento? Oficialnan di salud tabata depende riba screening di mamanan na es-

tado pa haya sa si e baby a ser exponi na e virus. Pero frecuentemente no por a duna un bon pronostico, exper-tonan ta bisa, pasobra algun hende muher no a haci test of e resultadonan tabata incorrecto. Ademas, e virus por biba riba superficie di obhe-tonan pa mas cu siete dia den temperatura ambiental, pues muchanan no vacuna bibando cu un persona cu un infeccion cronico por contrata e malesa aki.

Vacunacion contra hepatitis B den baby recien naci ta considera ampliamente como un medida cu a proba di ta exitoso. Durante casi 30 aña, casonan entre muchanan a cay for di 18.000 pa aña pa casi 2.000.

Un colaboracion di investigadornan den Salud Publico, e Proyecto di Integridad di Vacuna, a publica e siman aki su analisis di mas cu 400 estudio y rapport cu ta cubri 40 aña. E grupo a conclui cu dosis na momento di nacemento ta safe, y ta un motibo importante pakico infeccionnan den muchanan a cay.

Comite ta reevalua recomendacion pa baby recien naci

Kennedy, ken tabata un activista anti-vacuna prome cu a bira e oficial di Salud top den e nacion, a despedi di mas cu 17 miembro di ACIP na mas prome den aña y reemplasa nan cu un grupo cu ta inclui varios defensor anti-vacuna.

E panel a trece su preocupacion dilanti tocante administra un vacuna na un baby asina trempa den bida.

nan cu e procedura medico aki tumando luga na momento di nacemento den un manera unilateral sin consentimiento informa.”

E comite a presenta un voto na e reunion den september, pero lo programa esaki durante un reunion awe, segun e agenda. Oficialnan federal no a contesta preguntanan tocante con largo e retraso cu nan kier ta, of a divulga ki sorto di investigacion ta ser usa como fondo pa un decision asina.

Pa no sa kico e comite ta contemplando ta hacie dificil pa calcula e posible impacto. Pero algun a purba asina mes. E siman aki, investigadornan di Salud Publico colaborando cu organisacionnan di abogacia enfoca riba hepatitis a publica un rapport calculando cu un retraso di dosis cu dos luna por resulta den al menos 1.400 infeccion di hepatitis B den muchanan y 480 morto. E rapport—cual ainda mester haya evaluacion di otro investigador y cu ainda mester ser publica den journal medico—a calcula cu e impacto lo ta mas halto si e prome dosis ser administra aun mas despues.



**TRABOU DI MANTENCION
DEN TRANSFORMATORHUIZEN
NA PONTON**
Interupcion di Coriente Planea

En conexion cu trabounan necesario pa mantene un suministro di coriente confiabel, e servicio di coriente lo wordo interumpi:

**Diabierna, 5 di december 2025
8:30 AM te cu 8:45 AM**

Den vecindario di:

- Ponton(un parti)
- Walishali

N.V. ELMAR ta pidi disculpa pa e inconveniencia cu e interupcion di coriente aki por causa.

Bishita www.elmar.aw pa mira e lista di adresnan afecta.

Danki pa e comprension.




FIND US ON
facebook
@bondianoticia

ALSO AVAILABLE ON
X Instagram TikTok

Keda alerta pa estafa riba rednan social!

No click riba aviso paga (sponsored ad) cu ta usando imagen di Aruba Today.
Bishita solamente e pagina oficial di Facebook, Aruba Today News, of e website
www.arubatoday.com.

Si bo haya algun problema, nos t'ey pa yuda: bondia.aruba@gmail.com



Comandante Naval ta garantisa cu “no tin menasa inmediato pa Caribe Hulandes” mientras Trump ta rechasa peticionnan di Maduro

(CuraçaoChronicle) - no tin un menasa aguio pa Caribe Hulandes actualmente. E garantia aki a bini for di Walter Hansen, Comandante di Koninklijke Marine den Caribe, riba diasabra durante e dia di nabegacion anual abordo di e barco naval Zr. Ms. Groningen.

Papiando durante apertura di e evento, Hansen a atende e clima di seguridad actual den e region. El a reconoce cu desaroyo reciente den Caribe “por duna causa pa preocupacion,” pero a enfatisa cu e proteccion di Reino su teritorionan den Caribe ta keda e prioridad mas halto pa ministerio di Defensa den e region.

El a nota cu e barco, Zr. Ms. Groningen, actualmente ta hechutando patruyahe maritimo pa monitor e situacion di seguridad alrededor di e islanan ABC. Hansen tambe a clarifica cu forsan arma Hulandes no ta involucra den e operacionnan militar Mericano cu ta andando den e region.

“Defensa ta monitor e situacion di cerca y ta mantene reino completamente informa. CZMCARIB ta proteha e parti Caribense di Reino y ta



contribui na estabilidad y seguridad den e region,” Hansen a bisa.

Den ultimo desaroyo di e situacion, a reporta cu Trump a rechasa exigencianan di Maduro den un yamada secreto. E lider Venezolano Nicolás Maduro ta kedando sin opcion pa negocia e salida safe di poder bao proteccion Mericano, despues di un yamada decisivo y breve cu Presidente Mericano Donald Trump dia 21 di november.

4 fuente familiar cu e combersacion a conta Reuters cu Maduro a busca garantia amplio pa su mes y su circulo cercano, cu ricibiendo rechasa firme di Washington.

E yamada ta bini despues di lunanan di tension cu ta keda bira mas intenso riba Venezuela, incluyendo atake mortal riba botonan sospecha di ta traficante di droga den Caribe, menasa publico di Trump pa extende operacion riba teritorio Venezolano y e designacion di Cartel de los Soles como un organizacion terrorista den exterior.

Segun 3 di e fuentenan, Maduro a bisa Trump cu e ta dispuesto sali for di Venezuela si e y su famia ricibi amnistia legal completo, incluyendo e retiro di tur sancion Mericano y e fin di e caso internacional cu e ta enfrenta na Corte Criminal Internacional, ICC. Tambe el a pidi pa



kita sancion riba mas di 100 miembro di e regimen, varios ken ta acusa di violacion di derechonan humano, corrupcion of narcotrafico. Dos fuente a bisa cu Maduro a propone pa Vice Presidente Delcy Rodríguez lidera un gobierno interino prome cu eleccion nobo.

Trump a rechasa practicamente tur peticion di Maduro. E combersacion aparentemente a dura menos di 15 minuut, durante cual e Presidente Mericano a duna Maduro 1 siman pa sali for di e pais y bay un destino di su escogencia cu su famia. E

deadline aki a caduca diabierna.

Riba diasabra, Trump a anuncia cu e espacio aereo riba y rond di Venezuela mester ta considera “completamente cera,” un decision cu dos fuente a conecta directamente na Maduro su negacion di renuncia.

E tension den aumento tin implicacion inmediato pa e region Caribense, incluyendo e islanan ABC, cual ta cerca di e costa di Venezuela y ta sigui di cerca e desaroyonan cu por afecta seguridad y estabilidad regional.

Gobierno ta adverti Cft: Rumor tocante CGA por causa daño na Corsou su estabilidad financiero

(CuraçaoChronicle) - Gobierno di Corsou a publica un advertencia formal na Cft, declarando cu su comentarionan publico reciente tocante Curacao Gaming Authority (CGA) por causa daño na e reputacion y finanzas di e pais.

Den e mesun carta cu a reporta anteriormente, minister di Finanzas a enfatisa cu CGA ta opera den sector internacional unda confiansa y certidumbre legal ta esencial

y cu declaracionnan irresponsabel por pone den peligro entradanan clave.

Cooper a splica cu implica cu CGA ta bao investigacion criminal - sin verificacion - ta pone den riesgo inkieta e operadornan y inversionistanan cu ta contribui di manera significativo na Corsou su presupuesto. E ta yama e tempo “ironico y altamente indeseabel,” mirando cu Cft mes ta monitor Corsou su estabilidad financiero y proyeccion

di ingreso.

E minister tambe a cuestiona con Cft a obtene e informacion, notando cu si esaki a bini for di OM of RST, Cft mester a inmediatamente busca clarifica esaki prome cu haci comentario publico. Si e informacion a bini for di media of otro fuente no oficial, Cooper ta bisa, Cft mester a descarta esaki na luga di “promove rumor como un hecho.”

Cooper a enfatisa tambe cu involucra investigacion criminal ta cay bao di autoridadnan hudicial competente exclusivamente, no bao di Cft. Oficialnan publico den e pais, el a nota, no tin autorizacion di papia tocante e topiconan aki di manera oficial of administrativo cu Cft of cualkier otro institucion externo.

Gobierno a conclui cu e incidente aki ta representa “un violacion serio di limite” entre supervision financiero y

hurisdiccio criminal. Minister Cooper a urgi Cft evita papia publicamente tocante integridad of acusacionnan criminal al menos cu esaki cay bao di su mandato - y solamente despues di consulta cu gobierno.

E carta a copia e Gobernador di Corsou, Presidente di Parlamento, Consejo di Minister y Secretario di Estado pa BZK, ilustrando e seriedad di gobierno su respuesta.

Autoridadnan cu accion na cas di ex CEO di Damen

(NLTimes) - FIOD a invadi e cas di Kommer Damen, ex CEO di Damen Shipyards, na Noordeloos diamars mainta. E inval ta relaciona cu un investigacion criminal, un vocero di FIOD, e departamento di investigacion di Autoridad di Impuesto, a bisa Rijnmond.

E vocero di FIOD no kier bisa si e incursion tabata mara na un huicio penal grandi contra Damen Shipyards y varios di su ehecutivonan cu ta encera soborno y evita sancionnan comercial contra Rusia, cu a kuminsa siman pasa. Nan a nenga tambe di divulga kico nan a confisca for di cas di Kommer Damen.



E homber di 81 aña tabata e CEO di e grupo di construcion di barco cu sede na Gorinchem pa hopi aña. E ta un di e ehecutivonan di Damen Shipyards cu ta ser persigui. Su yiu homber, Arnout Damen, e CEO actual di e constructor di barco, tambe ta un sospechoso.

E huicio penal a cuminsa den corte na Zwolle dialuna ultimo cu un audiencia preliminar. Segun Servicio di Ministerio Publico (OM), Damen Shipyards a exporta componentenan di barco pa Rusia den violacion di e sancionnan imponi pa Union Europeo

despues cu Rusia a invadi Ucrania. E productonan y tecnologia aki a contribui na e mehoracion militar y tecnologico di Rusia, violando e sancionnan imponi.

Damen Shipyards tambe ta ser persigui pa corrupcion. Supuestamente e constructor di barco a soborna funcionarionan di varios pais pa asina bende mas barco.

Durante e audiencia di siman pasa, OM a revela cu dos sospechoso no identifica anteriormente a haci acuerdonan di declaracion cu autoridadnan. Di acuerdo cu Rijnmond, un di nan ta e director di mercadeo actual di e compania, Sander van O. OM ta sospech'e di ta envolvi den

scondemento di pagonan di soborno for di e registronan di e compania. E otro sospechoso cu a haci un deal ta e ex director di Port Authority van Curaçao.

Damen Shipyards ta e constructor di barco mas grandi na Hulanda. E compania ta construi barconan naval pa Hulanda y otro paisnan di NATO, y e gobierno Hulandes ta considera e compania di "importancia strategico nacional." Un condena pa corrupcion por tin consecuencianan grandi, ya cu e lo prohibi e compania di tuma contratonan di gobierno pa por lo menos cuater aña.

E siguiente audiencia ta programa pa 11 di december.

Proximo tanda di combersacion di coalicion ta cuminsa

VVD "ta para cla", mientras cu GL-PvdA ta habri pa negocia

(NLTimes) - Cu D66 y CDA presentando nan documento di formacion cu plannan pa un gobierno nobo, e siguiente fase di e proceso di formacion di Gabinete por inicia. Informador Sybrand Buma lo reuni cu e lidernan di tur otro partido parlamentario pa saca afo ken lo join e negociacionnan di coalicion.

VVD "ta para cla" pa papia, GroenLinks-PvdA ta mira "suficiente puntonan di salida" pa negociacionnan, y JA21 lo "studia e documento cuidadosamente," e tres partnernan potencial di coalicion menciona mas frecuentemente a bisa NOS.

Buma lo reuni prome awe cu e lidernan di nueve partido mas chikito, cuminsando cu lider di Volt Laurens Dassen y terminando cu lider di BBB Caroline van der Plas. E kier sa ken lo ta dispuesto pa join un coalicion, of "prepara pa duna sosten constructivo" for di pafo di e coalicion. Despues, lo papia cu e partidonan mas grandi.

E posicion di VVD ta esun mas interesante ya cu e partido liberal ta indispensable pa hopi opcion di coalicion di mayoria. E documento di 17 pagina di D66 y CDA ta inclui varios asunto cu e partido di Dilan Yeşilgöz por sostene, incluyendo atende cu emision di nitrogeno, inverti den industria, atende aglomeracion di red, reduccion di peso regulatorio pa negoshinan y



vivienda, y haci e politica di inmigracion mas estricto.

Un punto di pegamento potencial ta e plan pa elimina e deducccion di interes di hypotheek. Esey ta practicamente un no-negociabel pa VVD, cu Yeşilgöz a priminti durante e campaña pa no mi-shi cu e credito di belasting pa doñonan di cas. CDA y D66 tambe kier introduci prijs di caminda, belasting mas halto riba activo, y presupuesto mas liberalmente cu esun actualmente - asuntonan cu VVD ta opone tipicamente.

Yeşilgöz a bisa cu e ta ansioso pa sigui cu e combersacionnan cu D66 y CDA, señalando cu lidernan di partido Rob Jetten y Henri Bontenbal a enfatisa cu cada topico den nan documento ta habri pa discusion. "Den e siguiente buelta, lo mester agrega y amplia asuntonan," el a bisa. E kier traha riba "solucionnan concreto" pa e clima empresarial, asilo y poder di compra.

Lider di GroenLinks-PvdA, Jesse Klaver, a yama e documento "no suficiente social y ambientalmente sano ainda," pero e ta mira potencial. E capitulonnan di e documento di D66-CDA tocante vivienda y nitrogeno ta contene similaridadnan cu e programa di eleccion di GL-PvdA, pero e politica di migracion severo y recorte den seguridad social y cuido di salud lo ta asuntonan dificil pa e partido di isquierda.

Klaver a subraya cu GroenLinks-PvdA kier negocia "riba un gobierno mayoritario" y no ta considera sostene un gobierno minoritario un opcion den e fase aki.

Lider di JA21 Joost Eerdmans a bisa NOS cu e kier studia prome e documento di D66 y CDA, y a ripiti varios di e posicionnan di su partido, incluyendo "frena fuertemente e fluho" di solicitantenan di asilo y "inversion dirigi den nos economia." Un Gabinete minoritario cu

D66, VVD, y CDA actualmente ta parce e resultado mas probabel. VVD a declara explicitamente cu nan lo no goberna cu GroenLinks-PvdA. D66 lo prefera di no forma un coalicion cu e derechista JA21. E opcion di minoria por busca sosten den parlamento di GroenLinks-PvdA y JA21 riba un base di cada asunto.

Den e proximo dianan, Buma lo purba di haci algun progreso riba e puzzel di coalicion. El a bisa cu e ta spera cu e lidernan di partido lo haya "un base" pa participa den dialogo y colaboracion den e documento di D66 y CDA. "Mi ta asumi cu e partidonan ta sinti e responsabilidad ey."



**TRABOU DI MANTENCION
DEN TRANSFORMATORHUIZEN
NA TANKI LEENDERT**
Interupcion di Coriente Planea

En conexion cu trabounan necesario pa mantene un suministro di coriente confiabel, e servicio di coriente lo wordo interumpi:

**Diabierna, 5 di december 2025
8:30 AM te cu 3:30 PM**

Den vecindario di:

- Solito (un parti)
- Tanki Leendert (un parti)

N.V. ELMAR ta pidi disculpa pa e inconveniencia cu e interupcion di coriente aki por causa.

Bishita www.elmar.aw pa mira e lista di adresnan afecta.

Danki pa e comprension.



Colombia ta expulsa miembronan di secta Hudiu ultra-ortodox, Lev Tahor

(AP) — Colombia a bisa dialuna cu a manda 26 miembro di e secta Hudiu ultra-ortodox Lev Tahor na Merca despues di determina cu e derechonan di algun di e muchanan den e grupo tabata den riesgo.

Autoridadnan a detene e grupo di 17 mucha y nuebe adulto dia 22 di november despues di un inval na nan hotel na Yarumal, un ciudad den nort occidente di Colombia.

Oficialnan di inmigracion a bisa cu mientras tur e muchanan den e grupo tabata compaña pa al menos un mayor, tabatin cinco mucha cu paspoort Mericano y Guatemalteco pa ken a emiti aviso geel di Interpol. E aviso ta un alerta global emiti pa hende cu a keda reporta como desaparecido of cu ta considera victima di secuestro



parental of criminal.

Agencia nacional di inmigracion Colombiano a bisa cu e grupo a pasa e ultimo siman den un edificio di e agencia na Medellin, unda e muchanan a ricibi sosten di Instituto Nacional pa Famia y Bienestar di Colombia.

Despues e grupo na bula bay New York, segun e agencia. Eynan, oficialnan Mericano a ricibi nan, y ta bay check si tin

algun investigacion pendiente contra e adultonan mientras cu e muchanan ta bay ta den cuido di Servicio di Proteccion di Mucha.

Lev Tahor a haya problema legal na varios pais, cu su miembronan acusa di secuestra muchanan y forsa nan den matrimonio cu adulto.

Aña pasa, polis na Guatemala a haci un inval na un compleho di Lev Tahor den e pais Centro

Americano, despues di reportahenan di abuso sexual, tumando den custodia al menos 160 menor y 40 muhe.

Na 2022, autoridadnan Mexicano a aresta un lider di e secta cerca di frontera Guatemalteco y a retira un cantidad di mucha y muhe for di e compleho. Na 2021, dos lider di e grupo a keda condena di secuestro y explotacion sexual di mucha na New York.

E secta a keda funda den añanan 1980 y ta conoci pa tin miembro na Canada, Merca, Mexico, Guatemala y Israel.

Gloria Eperanza Arriero, di-

rector di agencia nacional di inmigracion di Colombia, a bisa siman pasa cu oficialnan a dicidi di interroga miembronan di Lev Tahor despues di haya un tip di localnan tocante nan presencia den pueblo di Yarumal. Arriero a bisa cu e miembronan di e secta a yega Colombia na october y tabata buscando un propiedad rural unda nan por set up un compleho.

“Loke ta positivo den tur esaki ta cu nos a haya e muchanan prome cu nan a haya un compleho,” Arriero a bisa. “Pasobra den e caso ey, nos lo a rekeri un ordo di hues pa haci e buskeda.”

Potret di AFP

Merca ta impone mas castigo riba esnan vincula cu gang Tren de Aragua

(AP) — Merca a impone sancion diaranson riba supuesto afiliado di e gang Tren de Aragua y a aumenta e recompensa na \$5 miyon pa informacion cu resulta den aresto of condena di un di e lidernan di e grupo criminal, cual administracion di Trump a designa como un organizacion terrorista stranhero.

E accionnan ta yega mientras administracion di presidente Donald Trump a culpa e gang, cu a origina den un prison na Venezuela, di ta na raiz di violencia y comercio ilegal di droga den cantidad di ciudad Mericano. Tren de Aragua tambe a bira un punto clave di referencia den atake militar contra barconan sospecha di traficacion di droga den Lama Caribe y oriente di Ocean Pacifico, como tambe e accion di Trump contra inmigracion. Oficina di Control di Activo Stranhero di Departamento di Tesoro Mericano ayera a impone sancion riba celebridad Venezolano, Jimena Romina Araya Navarro, tambe conoci como “Rosita,” pa acusacion di provee sosten material na Tren de Aragua door di yuda cabesante di e gang, Hector Rusthenford Guerrero Flores huy di prison Tocarora na Venezuela na 2012.

Navarro, conoci como Rosita pa su personahe den un show di comedia Venezolano, ta vincula na Guerrero pa años. Medionan local anteriormente a reporta cu Araya, tambe un showgirl, frecuentemente tabata duna presentacion den un

prison unda Guerrero tabata deteni antes y unda a establece Tren de Aragua.

Tren de Aragua a controla e prison pa varios aña durante cual a agrega un club nocturno, pool, suite luhoso y otro amenidadnan na e facilidad.

Departamento di Estado Mericano tambe a aumenta e recompensa pa Giovanni Vicente Mosquera Serrano, kende ta e prome miembro di Tren de Aragua pa aparece riba lista di Dies Mas Busca di FBI, despues cu na januari a acus’e di conspiracion pa traficacion internacional di cocaina. E recompensa anterior tabata \$3 miyon.

Despues cu Merca a designa e gang como organizacion terrorista stranhero na februari, Mosquera Serrano a keda acusa na april cu cargo di duna sosten material, segun Departamento di Estado.

Trump a ripiti e acusacion cu Tren de Aragua ta operando bao control di presidente Venezolano, Nicolas Maduro — a pesar cu un evaluacion desclasifica di inteligencia Mericano ta contradeci esaki.

“Bao presidente Trump, cartelnan terrorista barbarico no por sigui opera cu impunidad door di nos fronteranan,” Secretario di Tesoro, Scott Bessent a bisa den un comunicado di prensa. “Riba ordo di presidente Trump, nos ta bay sigui usa tur herment pa corta e teroristanan aki for di Merca y sistema financiero global y tene ciudadanonan Mericano safe.”

DIAHUEBS 4 DI DEC

SINTERKLAAS ROLLDOWN

AFL 150.000

Si no tin ganado cu 5 number bon, e ta bay na esun cu tin 4 number bon y asina e ta keda roll down te ora tin ganado!

Corda pidi pa bo Facilito y gana premio cash instantaneo!

www.lottoaruba.com

Loto
Cambiando bida

Trinidad y Tobago: Prome Minister ta critica monopolio farmaceutico



(TrinidadExpress) - **Prome Minister Kamla Persad-Bissessar a priminti di desmantela loke el a describi como un monopolio farmaceutico cu ta opera den e pais. Tambe el a critica instancianan di Gobierno pa no actua riba e asunto.**

El a bisa cu e excuus ofreci pa e instancianan aki tabata “disparate” y “bergonsoso”, y a priminti di kibra e ciclo y introduci competencia den e mercado pa reduci prijs di remedi pa ciudadanonan.

Dialuna, presidente di e Asociacion di Negoshi di Botica Privada (PPRBA) Glenwayne Suchit a bisa cu e sector farmaceutico di Trinidad y Tobago ta ser controla pa un man yen di companianan dominante cu ta eherce influencia abrumador riba prijs, distribucion y acceso na remedi.

El a haci e comentarionan durante un audiencia di e Comision di Administracion Publico y Aprobacionnan (PAAC) na e Cas Cora na Port of Spain, presidi pa e Presidente di e Camara

Jagdeo Singh.

Segun Suchit, Aventa Ltd, propiedad di e Grupo Agostini, ta controla 74% di e mercado farmaceutico priva.

El a declara mas aleu cu Aventa (34%) y Bryden PI (50%) colectivamente ta domina mitar di e mercado di destaho di adkision publico.

El a describi e structura di e companianan como un ecosistema verticalmente integra, señalando cu Aventa ta doño di e cadenan di benta di SuperPharm y MPharm y ta suministra remedi na nan na un prijs mas abao cu na boticanan priva.

El a divulga tambe cu e compania a obtene mas cu \$100 miyon na divisa for di EximBank entre 2020 y 2025.

The Express a tuma contacto cu Prome Minister pa duna su comentario riba e asunto.

E tabata critico di instancianan di Estado y e administracion anterior di Movimiento Nacional di Pueblo (PNM).

“Bo por corda cu nos a pa-

pia riba esaki prome cu eleccion general. E ex gobierno di PNM yuda pa EximBank y e Comision di Comercio Husto no a haci nada pa preveni e monopolio aki. E Division di Cuminda y Remedi di Kimica tambe ta un desorden corrupto, caminda produccionan di companianan selecta ta ser facilita pa aprobacion rapido y petitionnan di otro companianan ta ser frustra. Y asina mes personanan encarga cu e organisacionnan aki ta presenta den reunionnan di comision di Parlamento sin berguensa pa defende nan incompetencia y traicion di e hendenan di T&T. Si nan tabatin cualkier sentido di respet propio nan lo a renuncia,” el a bisa.

Durante e reunion di PAAC, presidente Singh a señala cu un abogado cu ta representa PPRBA a skirbi e Comision di Comercio Husto lantando

preocupacionnan tocante e monopolio farmaceutico.

El a bisa cu e Comision no a tuma accion a pesar di tin e autoridad pa haci esaki, en bes di esey a insisti cu mester entrega un keho formal.

Director ehecutivo di Comision di Comercio Husto, Bevan Narinesingh, a bisa e Comision cu e organisacion tin “hopi miedo” pa actua sin un directiva, loke no tabata na su luga for di mei.

El a bisa cu e Comision nunca no a inicia un investigacion di e magnitud aki y mester “tene cuidou” sin supervision apropiada.

Singh a recorda e Comision cu e tabata den posesion di e informacion for di aña pasa y a exigi pa e entrega na e Comision tur accion tuma, y tambe tur correspondencia

relaciona. “E Comision di Comercio Husto ta haci disparate pa tapa nan inaccion. Nan tabatin e poder y autoridad pa actua. Despues di a mira kico a ser bisa den e reunion ey, nos por tin cu investiga realmente si incompetencia, of corrupcion a tuma luga,” el a bisa.

El a agrega cu e no tabata sorprendi pa e revelacionnan di dialuna.

“Nos a papia riba esaki prome cu eleccion. Pero esey ta e manera di PNM pa concentra e rikesa di e pais den man di un par. PNM a permiti e monopolio aki florece y tambe a haci e den otro sectornan,” el a bisa.

Persad-Bissessar tambe a acusa PNM di fomenta comportacion monopolistico den e sectornan di cement y di benta di piedra.

VACANCY

Instituto Medico San Nicolas (ImSan) aims to provide and promote optimal medical care in clinical, outpatient, and ambulatory settings, ensuring accessibility for all citizens.

ImSan is seeking a dedicated and enthusiastic full-time Optometrist to join its Ophthalmology Department.

Optometrist M/F

Job Description:
The Optometrist has the following key responsibilities, in accordance with the department's agreements, protocols, and standards:

The optometrist supports the ophthalmologist and conducts independent consultations, including refractions, prescribe eyeglass prescriptions, fitting contact lenses, as well as performing biometry, visual field testing, pachymetry, glaucoma and cataract follow-ups, manage follow-ups of medical retina cases, diabetes clinics, and diabetic screening using bio microscopy and other diagnostic tests. The optometrist also monitors chronic patients in collaboration with ophthalmologists.

Qualifications:

- Bachelor's degree in Optometry;
- Patient-focused attitude and well-developed social skills;
- Flexibility and a strong sense of responsibility;
- You interact pleasantly with both colleagues and patients;
- Ability to work independently and as part of a team;
- Proficiency in Papiamentu and English (Dutch and Spanish are a plus).

Please submit your application and CV by **December 12, 2025**, addressed to: Mrs. Elisa Campbell-Duijm, Head of Human Resources, Pastoor Hendrikstraat 10 San Nicolas, Aruba. Or by e-mail: hr@imsan.aw. Subject line: "Vacancy Optometrist".

redefining patient care



Pareha di difunto rapper Poorstacy deteni

(TMZ) - E pareha di Poorstacy a keda deteni, cu polis acusando cu uso di droga a tuma luga den presencia di e pareha su yiu chikito dlanan prome cu e rapper su morto y aparentemente e y e yiu ambos tabata presente ora cu e rapper a kita su propio bida.

Nicole Grikstas a keda deteni diasabra oranan despues cu Poorstacy, ken su number real tabata Carlito Milfort, a kita su propio bida. Polis ta acusando su persona cu negligencia sin causa daño severo.

Segun un affidavit di polis na Boca Raton - cual ta cita un entrevista conduci cu Nicole na stacion di polis oranan despues cu a haya e rapper morto den camber di hotel - polis ta bisa cu Nicole a detaya e eventonan prome cu su morto cu un tiro.

Nicole a bisa polis cu e pareha y nan yiu a check-in na un motel den Boca Raton, Florida e siman prome cu su morto, unda pareha a consumi gran cantidad di droga dilanti e mucha. El a bisa ofi-



cialnan cu ambos tabata usando cocaína, MDMA y Xanax mientras nan tabata kedando na e motel.

Polis ta detaya cu Nicole a bisa cu e y Milfort a yega back nan camber di hotel alrededor di 11or di anochi diabierna, unda ambos a consumi cocaína. Segun nan ta bisa, Nicole a conta cu algun ora despues - alrededor di 3or di mainta - el a consumi un dosis di MDMA. El a sigui conta cu e y Milfort a discuti den varios parti di e anochi, acusando otro di infidelidad. Polis ta acusa cu Nicole no a purba saca su yiu for di e am-

biente explosivo.

Nicole a conta polis cu Milfort a acus'e di sconde su droga y el a nenga haci esaki. El a bisa polis cu el a kita su paña cu forza pa purba check su areanan intimo pa droga scondi prome cu el a dal e varios biaha.

Na e punto aki, Nicole a bisa cu Milfort a saca e arma di candela y a menasa cu dal e un tiro si e no bis'e unda su droga ta, alternando entre punta e arma na su mes y Nicole durante e ora, culminando den e momento unda el a punta e arma na su pro-



pio cabes y a los tiro diasabra mainta.

Oficialnan a responde na un yamada na 911 for di front desk, nan a busca den e camber di motel y nan a haya e droga y articulonan pa consumi esaki, cos di hunga di mucha y cuminda rond die camber ademas di e arma di candela carga.

Polis ta bisa cu despues di e entrevista y e buskeda nan a

determina cu e y Milfort a expone nan yiu na un cantidad grandi di droga durante nan estadia y nan ta acusa cu e no a haci ningun intento di saca e mucha for di e ambiente aki mientras Milfort tabata zwaai e arma rond.

Fuente cercano na e famia di Milfort a conta TMZ cu famia di Nicole actualmente tin e mucha.

Bad Bunny ta tuma e trono for di Taylor Swift como artista mas scucha

(AP) - E temporada festivo a yega, y e regalo pa fanaticonan ta e data y marketing di fin di año; Spotify Wrapped y Bad Bunny a ser nombra e artista mas scucha pa un di 4 biaha, kitando e trono for di Taylor Swift.

Riba diaranson, e gigante den streaming di musica a revela su resumen anual pa modanan individual ademas di modanan rond di mundo. Usuarionan a haya acceso na

nan artistanan, canticanan, genero, album y podcast top, ademas di descubri ken ta e artistanan cu a tin e miho año riba e plataforma.

Bad Bunny tabata e artista mas scucha na nivel global e año aki, cu mas di 19.8 biyon stream. E ta sigui pa Swift, The Weeknd, Drake y Billie Eilish den e orden aki.

Pa e ultimo 2 año, Swift tabatin e posicion top aki, globalmente, ricibiendo e posicion



den 2023 y kedando cu esaki pa 2024 - despues di kita e trono for di Bad Bunny. E tabatin e titulo pa 3 año tras di otro cuminsando den 2020. Awo, el a tuma su titulo back.

Na Merca, e artista mas scucha ta un poco similar; Aki Taylor Swift ta lider di e posicion, sigui pa Drake, Morgan Wallen y Kendrick Lamar. Bad Bunny a keda den di 5 luga.

E album mas scucha na nivel global tabata Bad Bunny su album mas recien "Debi Tirar Mas Fotos" sigui pa KPop Demon Hunters su canticanan y 3 hit lansa den 2024; "Hit Me Hard and Soft" di Billie Eilish, "SZA su "SOS Deluxe: LANA" y Sabrina Carpenter su "Short n Sweet" den e orden aki.

Na nivel global, e cantica mas scucha ta bay pa Bruno Mars y Lady Gaga su colaboracion,

"Die with a Smile," cual a haya mas di 1.7 biyon stream. Despues ta sigui Billie Eilish su "Birds of a Feather," Bruno Mars y Rose su "APT.," Alex Warren su "Ordinary" y Bad Bunny su "DtMF."

Lamar y SZA su colaboracion "Luther" tabata e cantica mas scucha na Merca, sigui pa "Die With A Smile," "Ordinary," "Birds of a Feather" y den di 5 luga Lamar y Lefty Gunplay su "TV Off."



Dokter ta haya sentencia pa bende ketamina na Matthew Perry prome cu su overdosis

(AP)—Un dokter ken a declara su mes culpable pa bende ketamina na Matthew Perry algun siman prome cu e strea di “Friends” a fayece pa via di un overdosis ta programa pa ta e prome di cinco persona sentencia den un caso diaranson.

Perry su famia y posible otro nan afecta pa su morto lo tin un chance pa haci un declaracion den corte federal na Los Angeles prome cu e sentencia di Dr. Salvador Plasencia. Fiscal ta puntando e Hues di Distrito Sherilyn Peace Garnett pa sentencia Plasencia, 44, pa tres aña den prison despues di un acuerdo di culpabilidad unda e dokter a admiti di bende un cantidad di ketamina ilegalmente na Perry. E no a ser acusa di bende e actor e dosis cu investigadornan a bisa a mat’e dia 28 di october 2023.

Perry tabata tumando ketamina anestetico pa cirugia legalmente como un tratamiento pa depresion. Pero ora su dokter regular no por a dun’e den e cantidad cu e tabata kier, el a pidi Plasencia, ken a admiti cu el a bende esaki ilegalmente na Perry y sabiendo cu e tabata un adicto den recuperacion. El a manda



mensahe na un otro dokter cu Perry tabata un “idiota” cu por ser explota pa placa, segun documentonan di e caso.

“En bes di haci kico tabata miho pa Sr. Perry—un persona cu a sufri di adiccion pa gran parti di su bida—e acusado a busca pa explota Perry su vulnerabilidad medico pa ganashi,” e memo di sentencia di e fiscal a bisa.

Abogadonan di Plasencia a purba di pinta un imagen simpatico di dje den nan memo, como un homber cu a sali for di pobresa pa bira un dokter stima pa su pashentnan, algun di cual a duna un testimonio tocante e dokter pa corte.

E abogadonan a yama su benedimento na Perry “descuidadoso” y “e eror mas grandi di su bida.”

“Arepentimento no por ni cuminsa captura e dolor y berguensa cu Sr. Plasencia ta sinti pa e tragedia cu a sucede y cu el a fracasa pa preveni,” e memo a bisa. Pero e abogadonan a skirbi, “un sentencia di encarcelamento no ta necesario ni hustifica. Ya el a perde su licencia medico, su clinica y su carera. Ademá el a experiencia atakenan den media y menasa pa straheronan te na un punto cu su famia a muda bay otro estado pa nan seguridad.”

E abogadonan di Plasencia a



bisa cu el a muda bay Arizona cu su casa y yiu homber di dos aña. “Mi kier pa e ta orguyoso di su tata,” Plasencia a bisa den un video cu e y su abogadonan a crea pa e hues. “Mi a comete erornan, pero mi kier pa e sa cu mi a purba di mehora despues di mi erornan.”

Plasencia a declara su mes culpable na juli pa cuatro conteo di distribucion di ketamina. Fiscalnan a acorda pa laga cinco otro conteo cay. E acuerdo a bin cu ningun garantia di sentencia, y legalmente Garnett por dun’e te cu 40 aña.

Perry su mama Suzanne Perry y su padraastro, reportero Keith Morrison di “Date-line,” a asisti e audiencia di-

aranson. Nan por ta entre esnan cu lo haya un chance pa papia prome cu sentencia Plasencia. E cuatro otro acusadonan ken a yega na acuerdonan di culpabilidad lo ser sentencia den nan mesun audiencia den e proximo lunanan.

Perry a muri na edad di 54 aña despues di lucha cu adiccion pa añas, cual a cuminsa durante su tempo na “Friends,” ora el a bira un di e streanan mas grandi di su generacion como e personahe Chandler Bing. El a actua hunto cu Jennifer Aniston, Courteney Cox, Lisa Kudrow, Matt LeBlanc David Schwimmer pa dies temporada for di 1994 pa 2004 riba e show megapopular di NBC.

Jada Pinkett Smith acusa di menasa amigo di Will Smith cu tiro

(ENews)—Jada Pinkett Smith ta enfrentando un bataya legal. E actriz di 54 aña ta e suheto di un caso di 3 milyon dollar entrega pa e ex-socio di Jada su casa Will Smith, Bilaal Salaam, den cual el a alega cu Jada a orkesta un campaña di difamacion contra dje despues di un pleito den september 2021 na Will su fiesta.

“Acusado Jada Pinkett Smith a acerca e demandante cu aproximadamente siete otro amigo, y a bira verbalmente agresivo,” segun e documentonan di corte ta acusa, “y a menasa e demandante por medio di bisa cu si e sigui ‘conta hende di su asuntionan,’ e lo ‘of scapa of haya un bala (di scopet),’ y a exigie pa firma un acuerdo di confidencialidad (NDA) ‘of enfrenta consecuencia.’”

E caso ta bisa cu despues un socio di Jada a sigui Bilaal, di ken su amistad cu Will ta detaya den e autobiografia



di e actor, te na su vehiculo “mientras e ta sigui cu su menasanan verbal.”

Menos cu 1 aña despues, Bilaal ta alega cu el a ser contacta despues di e Premio Oscar di 2022 durante cual Will a dal comediente Chris Rock riba escenario, y a puntr’e pa “yuda cu crisis di maneho pa

e incidente.” Sinembargo, Bilaal a rechasa e peticion aki, notando den documentonan cu “su consenshi no lo permitie ta involvi den cualkier campaña di PR manipulativo.” Despues cu el a rechasa esaki, segun Bilaal, “un campaña di represalia a sigui contra dje, incluyendo menasanan for di individuonan

asocia cu Will y Jada,” cual a escala, el a bisa, despues cu e pareha a haya sa cu e ta skirbiendo un “autobiografia denunciante” tocante su tempo trahando cu e famia.

Bilaal ta bisa den e documentonan cu despues el a cuminsa duna entrevistanan publico den un “esfuerzo pa

protege su mes y documenta e eventonan,” unda na dado momento el a acusa Jada di “participa den un campaña di difamacion intencional y malicioso via entrevistanan nacional.”

Den su demanda, Bilaal ta acusando Jada di causa stress emocional y intencional den tres diferente instancia ademas di acusacionnan di “conducta extremo,” entre cual el a cita accionnan tuma pa “intimida, soborna y oprimie.”

Bilaal ta buscando un compensacion di 3 milyon dollar den dañonan special, ademas di otro dañonan exemplar y ta puntra pa Jada “emiti un anulacion di e declaracionnan difamatorio y falso cu el a haci contra e demandante, incluyendo e acusacionnan falso di extorsion.”

E! News a tuma contacto cu representantenan pa Will y Jada pa comentario pero no a tende nada back di nan.

Exitoso Campeonato Nacional di Hisamento di Peso

Diadomingo cu a pasa 30 november 2025 Aruba Amateur Weightlifting Association a tene nan Campeonato Nacional di Hisamento di Peso. Esaki a tuma lugar den Compleho Deportivo Frans Figaroa na Noord. Esaki ta en conexion cu Siman Deportivo di Aruba Sport Unie.

Pais nan cu a participa den nos magno evento ta Canada, Colombia, Corsou, Ecuador, Merca, Guatemala y Aruba mes. Presente na nos Campeonato Nacional di Hisamento di Peso tabata Sra. Nicole Hoevertsz Vice Presidente di Comité Olimpico Internacional y Secretaria General di Comité Olimpico Arubano cu a duna un speech y a desea tur e atletanan hopi exito den nan competencia. Tambe presente den e evento aki tabata Sr. Patrick Vrolijk cu ta Vice President di Aruba Sport Unie.

Den e campeonato aki a wordo hisa den categoria di masculino y femenino den categoria di Youth, Junior, Senior y Master. Nos por bisa cu e atletanan a competi bon mes y nan tabata hopi motiva y varios di e atletanan a sa di kibra nan propio record personal y varios di nan a logra bira campeon den nan categoria.

Aki ta sigui e resultado den femenino Youth categoria di 44kg e atleta for di Canada Aurora van Ulft di apenas 12 aña ta logra den snatch 64kg, clean and jerk 84kg pa un total di 146kg ta gana medaya di Oro den su categoria. Den categoria 53kg Youth atleta Laura Tituanafor di club CE-WLL ta logra den snatch 68kg y clean and jerk 88kg pa un total di 158kg ta gana medaya di Oro den su categoria.

Den categoria di 58kg tabatin tres atleta unda Ettel Boyce di TNT gym ta logra gana medaya di Oro cu un snatch 46kg y clean and jerk 64kg pa un total 109kg cu e hisadanan Ettel ta logra kibra su record personal den total cu 13kg. Medaya di Plata a bay pa e atleta Angelle Thode di club RAW a hisa den snatch 47kg y den clean and jerk 60kg pa un total di 107kg y medaya di Brons a bay pa e atleta Sydney Maldonado di Merca cu a logra snatch 28kg y clean and jerk 42kg pa un total di 70kg. Den categoria di 69kg medaya di Oro a bay pa e atleta Maria Alejandra Zuluaga Marin di



gym Alpha Box cu a snatch 68kg y clean and jerk 90kg pa un total di 158kg. Medaya di Plata a bay pa Wendy Maduro di TNT Gym ta hisa den snatch 48kg y clean and jerk 62kg pa un total di 110kg. Cu e hisadanan aki Wendy ta logra kibra su record personal den total cu 20kg. Medaya di Brons a bay pa e atleta di Ecuador Nila Campoverde Avila cu a snatch 25kg y clean and jerk 33kg pa un total di 55kg.

Ultimo atleta den categoria di femenino nos ta haya e atleta Scarleth Ucelo Marroqui for di Guatemala cu a hisa den categoria mas di 86kg ta gana medaya di Oro y ta logra den su hisadanan den snatch 85kg y clean and jerk 115 pa un total di 200kg

Den categoria di masculino e resultado nan ta lo siguiente for di Corsou Yhurssen Molenaar den categoria 65kg ta gana medaya di Oro cu su hisada den snatch 80kg y clean and jerk 100kg pa un total di 180kg.

Den categoria di 88kg Laertes Araque di TNT gym ta gana medaya di Oro logrando den snatch 110kg y clean and jerk 150kg pa un total di 260kg. Medaya di Plata a bay pa Yunes Guzman di club RAW ta snatch 100kg y clean and jerk 130kg pa un total 230kg.

Den categoria di 94kg Medaya di Oro ta bay pa Lynell Koolman di club RSL ta logra den su hisadanan den snatch 105kg y clean and jerk 135kg pa un total 240kg, medaya di Plata ta bay pa e atleta Gonzalo Ramirez di club E2Rep cu a snatch 70kg y clean and jerk 105kg pa un total di 175kg. Rene Rudel cu a faya tres biha den snatch y a clean and jerk 130kg, pero no ta logra pone un total.

Den categoria di 110kg Jer-

emy Dijkhoff di club PSA ta gana medaya di Oro cu un snatch di 101kg y clean and jerk 141kg pa pone un total 242kg y por ultimo nos ta haya e atleta di Corsow Guruan Samaroo cu a hisa den categoria di mas di 110kg ta logra den snatch 70kg y den clean and jerk 100kg pa un total di 170kg ta gana medaya di Oro.

Tambe a parti trofeo de categoria di femenino Youth como ganador absoluto a sali na di prome lugar a bay pa e atleta Aurora van Ulft for di Canada, trofeo pa segundo lugar a bay pa Delary Lara Tituana di Ecuador y trofeo na di tres lugar a bay pa atleta Sydney Maldonada for di Merca.

Como ganadornan den categoria di Junior un solo ganador absoluto trofeo pa prome lugar a bay pa Angelle Thode di gym RAW.

Den categoria di Senior femenino como ganador absoluto trofeo na di prome lugar a bay pa Scarleth Ucelo Marroqui di Ecuador, segundo lugar trofeo a bay pa atleta Maria Alejandra Zuluaga Marin di Alpha Box y tercer lugar trofeo a bay pa e atleta Ettel Boyce di TNT Gym y den categoria di Master como ganador absoluto ta gana trofeo na prome lugar a bay pa Wendy Maduro di TNT Gym y segundo lugar a bay pa Nila Campoverde Avila for di Ecuador.

Den categoria di masculino como ganador absoluto trofeo na di prome lugar a bay pa e atleta Laertes Araque di TNT Gym, segundo lugar trofeo a bay pa e atleta Lynell Koolman di RSL y trofeo na di tres lugar a bay pa e atleta Yunes Guzman di RAW

Por ultimo den categoria di Master como ganador abso-



luto na di prome lugar trofeo a bay pa e atleta di Corsou Yhurisen Molenaar y segundo lugar trofeo a bay pa Lynell Koolman di Gym RSL

Trofeo y medaya a wordo entrega door di Sra. Nicole Hoevertsz y Sra. Monica Fajardo miembro di Comité Olimpico Arubano na e atletanan femenino y masculino. Aruba Amateur Weightlifting Association ta manda pa-

labra di gradicimento na tur atletanan, clubnan y paisnan Canada, Colombia, Corsou, Ecuador, Merca y Guatemala pa nan participacion y pabien tambe na tur e atletanan cu a kibra nan record personal y tur cu tabata envolbe den e evento aki ta e boluntarionan, entrenador, refreenan y e publico cu apoya e atletanan te na final pa esaki bira uno exitoso.

Spotify Wrapped a yega; con e streamer di musica ta crea e resumen di bo 2025?

(AP) - Fin di aña 2025 ta casi yegando y a yega e momento di aña hopi spe-
ra pa usuarionan di Spoti-
fy cu tur aña ta warda nan
Spotify Wrapped.

Diaranson, e gigante di
streaming di musica a trece
su resumen anual - dunando
centenares di miyones di us-
uario mundialmente un bista
di e canticanan mas scucha,
artistanan, podcast y otro au-
dio cu a yena nan dia durante
e ultimo aña (cu excepcion di
alrededor di un luna y un tiki
mas).

Spotify no ta e unico plata-
forma - of streamer di mu-
sica - cu ta publica un bista
anual di data coelcta for di
e consumidor su bida on-
line. Sinembargo desde su
lansamento un decada atras,
Wrapped a bira un di esnan
mas anticipa. Y Spotify ta
bisando cu su edicion di 2025
ta esun mas grandi ainda, cu
un gran cantidad di funcion
nobo cu e ta spera lo atende
algun di e sentimentonan di
decepcion cu usuarionan ta-
batin aña pasa.

Eora nos ta puntra nos, kico
ta e trabao tras di crea e
Wrapped, y kico ta nobo e aña
aki?

Con hopi di e aña Spotify Wrapped ta cubri?


Pa por compila tur e informa-
cion pa Wrapped, Spotify ta
colecta data for di 1 di januari
te cu alrededor di mita di no-
vember.

Esaki ta duna e compania
tempo pa caba cu e ultimo de-
tayanen y entrega e resumen
na usuarionan pa comienso
di december. Sinembargo
esaki tambe ta nifica cu bo
habitonan di fin di november
y december no ta inclui, cual
por ta e motibo dicon bo can-
ticanan faborito di fin di aña
no ta riba e lista, of otro hit-
nan den fin di aña.

E trabao tras di bo canticanan, artistanan y mas top

Pa artista, cantica - y pa prome
biaha e aña aki - album top
riba Spotify Wrapped, e plata-
forma ta mira un mescla di
kico bo ta tende y con hopi
bo ta tend'e.

Segun Spotify, e usuarionan
mester tende por lo menos
30 cantica pa mas di 30 sec-
onde cada un pa e por haya e
posicion top di cantica. Pa ar-



tistanan, e usuarionan mester
tende por lo menos 5 artista
unico pa mas di 30 seconde.
Y pa album top, e usuarionan
mester a tende por lo menos
70% di e canticanan riba un
algun.

E compania a confirma cu e
data ta colecta di manera igual
den tur plataforma - y cu
streaming den modo 'offline'
lo conta tambe, siempre y
cuando e dispositivo conecta
back na internet algun siman
prome cu Wrapped su lansa-
mento. Tende musica usando
Spotify su modo priva, mien-
trastanto, no lo contribui na
e resultado, sinembargo lo
conta si pa e tempo total pasa
riba e plataforma. Y Spotify ta
bisa cu "zonidonan di back-
ground" ta filtra pa keda afo.

Ki ora Spotify ta cuminsa crea Wrapped cada aña? Y kico ta nobo den 2025?

Marc Hazan, vice presidente
di marketing y partnership na
Spotify, a bisa cu su ekipo a
cuminsa pensa tocante 2025
Wrapped e dia cu aña pasa su
Wrapped a lansa.

"E ta un produccion di
henter un aña cu ta toca, sin
duda, tur funcion dentro di
Spotify," Hazan a conta The
Associated Press. Riba dia
1, el a nota, e ta inclui mira
kico e usuarionan ta pensa di
e Wrapped cu a caba di lansa.

Varios suscriptor di Spotify
tabata lihe den comparti e
sentimento di decepcion di
2024 su resumen - cu algun
keando cu Wrapped tabata
demasiado minimalista aña
pasa. Otronan a bay rednan
social ta haci bofon di fun-

cionnancu no a logra su meta.

E look y sentimento di
Wrapped ta evoluciona cada
aña, y Hazan ta nota cu e de-
saroyo di e edicion pa 2025
tabata motiva den gran parti
pa aña pasa su feedback. "Nos
a realmente tuma e feedback
na serio - y impulsa loke nos
ta kere ta e experiencia di
Wrapped mas fresco, yen di
accion cu nos a yega di haci,"
el a agrega.

Esaki ta inclui regreso di gen-
ero di musica, cual no tabata
inclui den 2024 su Wrapped.
E plataforma tambe ta intro-
duciendo top album y top
audiobooks, ademas di un re-
cuento di biahnan scucha pa
e canticanan cu ta drenta bo
playlist anual. Y e experiencia
ta hopi mas manera un wega
e aña aki. Tin un funcion cu
ta laga e usuario adivina su
cantica top prome cu esaki
keda revela y un "listening
age" - cual ta un adivinanza
di e edad uc bo tin segun bo
gusto den musica, basa riba ki
tempo bo canticanan faborito
a lansa.

Spotify tambe a revela un
"Wrapped Party," un fun-
cion cu ta permiti usuarionan
compara nan habitonan di
scucha cu amigonan cu tam-
be ta usa e aplicacion - y gana
nan propio titulo como pre-
mio dentro di e grupo.

Con AI a ser usa?

Entnre otro critica cu Spotify
a ricibi aña pasa tabata specu-
lacion tocante con hopi AI a
hunga un rol den compila-
cion di Wrapped.

E uso mas visible di AI den

Kico Wrapped ta bisa tocante tracking di data mas amplio?

Spotify ta leu di ta e unico
compania cu ta track kico us-
uarionan ta haci riba su plata-
forma - y ta duna algun di e
data aki, cu un aspecto nostal-
gico, na fin di aña.

Rival di streaming Apple Mu-
sic a lansa su "Replay" anual
diamars. Y YouTube e siman
ai a revela su "Recap" nobo
cual di manera similar ta de-
taya e usuario su habitonan
pa cu musica. Plataformanan
di rednan social, Google y te
hasta diccionario tin nan pro-
pio relfleccion di fin di aña.

E resumennan aki por señala
mas transparencia pa usuari-
onan, pa motibo cu nan por
mira un poco di data den nan
man. Y productonan manera
Wrapped a bira particular-
mente popular pa motibo cu
nan ta personalisa y awo dis-
eña pa comparti esaki online
- lagando varios ta anticipa
esaki como un tipo di "ritual
anual", segun Yakov Bart a
comenta.

Sinembargo, un preocupa-
cion ta keda cu esaki por ta
e normalisacion di tracking
"constante di e HUEYA digi-
tal cu consumidornan ta laga
online," el a agrega.

"Loke Spotify Wrapped por
haci ta esencialmente empa-
keta e data cu a monitor den
forma di entretenimento,"
Bart a bisa. "E ta cambia e
tracking digital aki cu ta con-
stantemente pasando tras di
escena como algo divertido
... Y di e manera aki, na luga
di sinti cu bo ta vigila, usu-
arionan ta basicamente sinti
valida."



Australia lo aplica edad limite di 16 pa rednan social proximo siman cu boet di te hasta \$33 miyon

(AP) - Plataformanan di rednan social mester reporta mensualmente con hopi mucha su cuenta nan a cera na momento cu Australia cuminsa aplica su limite di 16 aña proximo siman, un minister a informa diaranson.

Facebook, Instagram, Kick, Reddict, Snapchat, Threads, TikTok, X y YouTube lo enfreta boet di te hasta \$33 miyon dollar cuminsando dia 10 di december si nan no logra tuma paso razonable pa kita cuenta di muchanan Australiano di menos di 16 aña. Servicio di livestreaming Twitch a keda agrega na e lista di plataforma cu restriccion di edad menos di 2 siman atras.

Australian eSafety Commissioner lo manda e 10 plataforma un notificacion dia 11 di decmber exigiendo informacion tocante e cantidad di cuenta cu nan a kita. Notificacion mensual lo bin despues di 6 luna.

“Gobierno ta reconoce cu siguransa di edad por rekeri varios dia of siman pa completa hustamente y di manera sigur,” minister di Comunicacion Anika Wells a conta National Press Club di Australia.

“Sinembargo, si eSafety identifica



violacion sistematico di ley, e plataforma lo enfreta boet,” el a agrega. E regulador eSafety a bisa cu corte lo aplica e castigo te cu e maximo si e plataforma tin violacionnan ripiti.

Google a bisa diaranson cu cualkier persona na Australia cu menos di 16 aña lo ser saca for di su plataforma YouTube for di december 10 y perde funcionnan accesible pa esnan cu tin cuenta manera playlist.

Google lo determina e edad di esnan cu tin cuenta riba YouTube a base di

data personal conteni den cuentanan asocia di Google y otro señalnan. “Nos a consistentemente bisa cu e legislacion den pura aki no ta comprende nos plataforma bon, e manera cu Australianonan hoben ta usa esaki y mas importante, no ta cumpli su promesa di haci e espacio online mas safe pa mucha,” un declaracion di Google a bisa.

Meta, cual ta propietario di Facebook, Instagram y Threads, ta sospecha cu muchanan hoben lo ser kita for di e plattformanan aki cuminsando dia-

huebs.

Esnan cu tin cuenta y tin 16 aña of mas pero toch a ser saca for di nan cuenta por contact Yoti Age Verification y verifica nan edad pa medio di provee ID of un selfie video, Meta a bisa.

E grupo defensor basa na Sydney Digital Freedom Project ta spera cu Corte di alto nivel lo emiti un orden cu ta preveni e ley di drenta den efecto otro siman.

Un fecha pa e audiencia cu corte te ainda no a ser stipula.

“Durante e lunanan cu ta bin, nos lo lucha pa defende e ley aki den Corte di alto nivel pa motibo cu mayornan ... den henter Australia a pidi gobierno pa tuma accion,” Wells a bisa.

Luna pasa, gobierno di Malaysia a bisa cu e lo prohibi cuentanan di red social pa muchanan di menos di 16 aña 2026.

Wells a bisa cu Comision Europeo, Francia, Dinamarca, Grecia, Romania y New Zealand tambe tabata interesa den stipula un edad minimo pa uso di rednan social.

Procurador General di Arizona ta demanda Temu pa robo di data

(AP) - Procurador General di Arizona Kris Mayes a anuncia diamars cu Arizona ta e estado mas recien cu a demanda Temu y su compania propietario PDD Holdings Inc. tocante acusacionnan cu e bendedor online Chines ta hortando data di clientenan.

Mayes a bisa cu e aplicacion ta gaña clientenan tocante e calidad di su productonan y ta colecta loke e ta describi como un cantidad impactante di data sensitivo sin e consentimiento di usuarianan, incluyendo localidad GPS y un lista di otro aplicacion riba e usuario su telefon.

Segun e demanda, fiscalnan ta preocupa tocante Temu su cumplimiento cu leynan den China cu ta rekeri companianan Chines entrega data cu gobierno pidi, y cu su codigo ta diseña pa evadi evaluacionnan di seguridad.

“E por detecta tur caminda cu bo ta bay, na oficina di dokter, biblioteca publico, un evento politico, cas di bo amigonan,” Mayes a bisa durante conferencia di prensa. “Pues e acogida di e invasion



di privacidad aki ta enorme, y ta p’esey mi ta considera esaki posiblemente e violacion mas grave di Arizona Consumer Fraud Act cu nos a yega di mira aki na Arizona.”

Arizona su fiscal top a bisa tambe cu e estado kier proteha e negoshinan for di “estafa” pa e bendedor online, acuando cu e compania a copia e propiedad intelectual di marcanan cu ta inclui Arizo-

na Cardinals y Arizona State University.

Den un declaracion comienso di diaranson, Temu a nega e acusacionnan.

“Nos ta yuda consumidornan y famianan tin acceso na productonan di calidad cu prijs accesibel,” e compania a bisa. “Nos ta traha pa mantene costo abao y mantene un suministro confiabel pa asina

hende por cumpli cu nan necesidadnan sin cu nan presupuesto ta core.”

Procurador General na Kentucky, Nebraska y arkansas a entrega demanda similar den añanan recien.

Tambe tin esfuerso legislativo na nivel fedderal pa contraresta China su influencia, specialmente ora ta trata tecnologia y propiedad in-

telectual. Sinembargo Mayes a sugeri cu mester tin mas intervencion di parti di gobierno federal pa proteha e consumidornan.

Mayes a yama e acusacionnan contra Temu pio cu esnan cu a ser haci contra di TikTok.

Via evaluacion forensico, investigadornan na Arizona a haya cu e aplicacion su codigo tin porcion reconoci pa expertonan como malware of spyware y ta permiti e exfiltracion di data for di un usuario su celular mientras cu ta sconde cu e aplicacion ta haciendo esaki. E evaluacion tambe a haya cu den e aplicacion tin un gran cantidad di codigo cu anteriormente tabata prohibi, mira den e plataforma su versionnan anterior.

Mayes a urgi tur e residentenan di Arizona delete nan cuenta di perfil riba Temu, desinstala e aplicacion y scan nan dispositivo pa mira si tin algun di e malware of spyware menciona presente, cual por ta vigilando y colectando nan data sin cu nan ta altanto y constitui e ofensa o violacion cu e demanda ta acusando e bendedor online di comete.

Opinion ta un seccion di **Bon Dia Aruba** specialmente pa brinda oportunidad na lectoran individual pa expone nan opinion. Contenido publica di ningun manera ta refleha opinion di **Bon Dia Aruba** y ta pa responsabilidad exclusivo di e organisacion/individuo cu ta ofrece esaki pa publicacion. **Bon Dia Aruba** ta reserva e derecho di no publica texto ofreci, si esaki segun e medio no ta cuadra cu e normanan di decencia cu nos ta mantene, pa evita contenido cu ta innecesariamente ofensivo. Esaki suheto na evaluacion exclusivo di **Bon Dia Aruba**.

OPINION



Skirbi pa Gregorio Wolff

2. E guerra psicologico na Venezuela

2.1. Guerra psicologico

For di final di augustus nos conoce un situacion cerca nos pais bisña Venezuela, unda Merca a posiciona barconan di guerra dilanti costa di Venezuela den awanan internacional.

E argumento di Merca ta cu Venezuela ta un narco-estado, cu Presidente Maduro ta e hefe di e cartel de los soles, sin trece pruebanan palpabel, pero referiendo na medionan inconfiabel manera “60 Minutes”. E cartel de los soles ta algo di e epoca di Pablo Escobar, di 1988 pa 1992, tempo cu tabata menciona cu algun general Venezolano tabata yuda pa droga pasa ariba e teritorio Venezolano. Pues e epoca di e gobiernonan Adeco y Copeyano, prome cu Chavismo.

Pero ora Merca kier logra algo e mes ta inventa e argumento=gañamento sin tene cuenta si e argumento ta veridico. Esey ta e situacion awe, unda Merca a pone un premio ariba cabes di Presidente Maduro di 50 miyon dollar, accentuando cu Maduro ta hefe di e Cartel de los soles. Na Merca mes ta poco hende ta kere e storia di gobierno Trump, na resto di Mundo ta pio, un pipita di hende so ta kere e storia aki. Hasta DEA e agencia Mericano pa loke ta e trafico di droga y tambe for di e agencia pa combati droga for di UNO ta desmenti e ponencianan aki di Gobierno Trump.

Tur e bulalu di Merca/Trump cu su Guerra Psicologico ta pa e petroli Venezolano.

2.2. Apoyo na Gobierno/ Trump ta bahando y apoyo na Gobierno/Maduro ta crece

For di ultimo simannan di augustus e guerra psicologico di Merca contra Venezuela a start.

Ta bisto un desaroyo, unda Merca cada biaha ta perdiendo mas credibilidad, cual a yega na un extremo cu un medio Norte-Americano, pro partido democrata, CBS-news e siman aki a bisa cu 97% di Mericanonan no ta



apoya un invasion o atakenan contra Venezuela. E ta lógico tambe: Uno, unda e rason politico of di cualkier índole pa un pais grandi ataca y ocupa otro pais pa gara su rikesanan,ta?

Di dos,e posicionnan di Trump, pa hopi considera como un “Loco” y kende constantemente ta cambia di opinion, mainta e ta bisa SI pero pa 12’or di merdia ya e SI a bira un NO.

Na Venezuela ta net lo contrali. Si e gobierno Maduro tabatin apoyo di alrededor di 60% di pueblo, ora e guerra psicologico a start, awe e

apoyo ta banda di 95%.Cual ta logico tambe, solamente traidornan ta duna su apoyo, pa un otro pais ataca bo propio pais. Tambe Venezuela tin lidernan kendenan ta vocifera e posicion di Venezuela hopi cla y cu bon argumentonan. Nos ta wak y tende Presidente Maduro, vice-presidente Delci Rodrigues, Ministro di Asuntonan Interno y di Inteligencia Diosdado Cabello, Ministro di Defensa Padrino Lopez, Fiscal General Tarik Wiliam Saab, Presidente di Asamblea General Jorge Rodrigues. Tur cu un bon conocimiento di e materia y cu un bon discurso.

Loke ta visto tambe ta e hecho cu no tin oposicion abierto na Venezuela, na fabor di Merca.

2.3. Internacionalmente e apoyo na Venezuela ta creciendo

No solamente e apoyo politico ariba tereno internacional pa Venezuela ta creciendo, pero tambe e apoyo militar, specialmente di otro dos podernan militar na Mundo cual ta Rusia y China. Segun prensa hopi ta e armanan sofisticada cu Venezuela ta ricibi y cu e mas di dos miyon miliciano bon entrena y arma. Pero mientrastanto Trump a bisa den un comunicado cu e a cera espacio aereo di

Venezuela. Algo cu no ta cay bao di su competencia y unda cu e bay cu e posicion aki e ta perdi. Na Merca mes ta solamente e hendenan cu un mente transforma igual na Trump ta apoy’e. Pero mientrastanto Trump a bisa den un comunicado cu el a cera espacio aereo di Venezuela. Algo cu no ta cay bao di su competencia y unda cu e bay cu e posicion aki e ta perdi.

Na Merca mes ta solamente e hendenan cu un mente transforma igual na Trump so ta apoy’e. Esaki ta haci cu e ocupacion di Venezuela ta birando dificil pa Merca. Tambe e arsenal di armanan sofisticada y dronan cu Venezuela ta ricibi di Rusia, China y Iran, ta haci Venezuela un bastion militar fuerte, cual ta dificil pa ehército Mericano drenta y ocupa Venezuela. E ehército Mericano tin avionnan poderoso, pero poco a poco, Venezuela ta construyendo un defensa aereo rond di Caracas, cu S-300-nan y S-400-nan Rusiano y tambe cu otro anti-Areonan di China. E mihornan di mundo.

Tambe Venezuela, segun prensa ta ricibiendo misilnan supersonico for di Rusia, China y Iran, hunto cu technicianan. Pues Venezuela tin un defensa bastante solido y un ehército grandi, hunto cu su milicia pa defende su mes si e guerra ta ariba teritorio di Venezuela.

Mas e guerra Psicologico den e forma actual sigui, mas dificil e ta pa Merca por gana e guerra.

E pregunta ta si nos ta yegando na final di e guerra Psicologico, Maduro cu Trump a combersa, no tin acuerdo ainda, pero lo bini mas combersacionnan pa purba di yega na acuerdonan. Barconan di guerra entre nan portavion Gerald Ford mientrastanto ya ta regresando Merca.

Pues importante ta cu tin combersacionnan pero e pregunta grandi ta kico lo pasa ainda pa resto di 2025 y 2026, mientras Trump ta involvi.

Auto a dal peaton cu tabata cana riba caminda na Sabana Liber

Diaranson mainta a drenta informe di cu auto a dal un peaton riba caminda na Sabana Liber, mesora a dirigi tanto polis como ambulance na e sitio.

Na yegada di e patruya a bin compronde cu e chauffeur di un van bayendo pariba a baha su cabes pa hinca algo den cartera y a dal un peaton canando den caminda. Na yegada di e ambulance nan a atende e victima y a transport'e pa hospital.



Hoben herida den un accidente pa falta di preferencia banda di CMB Palm Beach

Dialuna anochi a drenta informe di un accidente cu hende herida na e crusada banda di Palm Beach, mesora a dirigi tanto polis como ambulance na e sitio.

Na yegada di e patruya a bin compronde cu aki ta trata di un accidente unda e chauffeur di un Hyundai Accent biniendo for di zuid Washington a bay subi e crusada net ora cu un Toyota ta bini di pariba cu preferencia y nan



a dal den otro unda e hoben sinta dilanti den e Toyota a resulta herida. Na yegada di e ambulance nan a atende e victima.



Taira a cay for di container y a bay dal e auto su tras!



Diamars mainta a drenta informe di un accidente na Mahuma unda un truck lastrando un baki di tairanan a perde un taira despues cu el a cay. Esaki a bay dal e auto su tras causa daño na e auto. Mesora a dirigi un patruya na e sitio.

Na yegada di e patruya a bin compronde cu aki ta trata di un incidente unda un taira a cay for di e trekker lastrando e baki di tairanan usa. Esaki a cay y causa destruccion minimo na e auto su tras y afortunadamente ningun hende a resulta herida.

Trahador di postkantoor a cay abao saca schouder for di lugar

Diamars mainta a drenta informe di un incidente unda un trahador di postkantoor na Tamarijn, mesora a dirigi tanto polis como ambulance na e sitio.

Na yegada di e patruya a bin compronde cu aki ta trata di un trahador di postkantoor riba un scooter cu lo a slip cay y saca su schouder for di lugar. Na yegada di e ambulance nan a atende e victima y a transport'e pa hospital.



Actividadnan luna di december 2025 na Parokia Birgen di Fatima Dakota

Parokia Birgen di Fatima na Dakota kier comparti cu debotonan y pueblo di Aruba su programa di actividad pa luna di december 2025.

Diabierna, 5 december, prome diabierna di luna. Santo Sacrificio di misa pa 7'or p.m. cu exposicion di Santisimo. Santo Rosario: 6:20pm.

Diasabra, 6 december, Santo Sacrificio di Misa na honor di Mama Maria pa 8'or di mainta. Pa 7:15 Santo Rosario den 5 idioma. Pa 9' y 30 te cu 12'or di merdia ta sigui RETIRO di ADVENT. Tema: Un Peregrino. Orador: Pader Michael Nicolaas. Pa 7'or p.m. Santo Sacrificio di misa ta sigui manera custumber.



Dialuna, 8 di december FIESTA INMACULADA CONCEPCION. Pa 7'or di anochi Santo Sacrificio di Misa Solem cu bendicion special pa tur e gruponan di oracion di Aruba. Reverendo Pastoor Jozef Pelc y Reverendo Pader Michael Nicolaas ta

invita tur devoto pa e ocasion special aki. Santo Rosario ta 6:20.

Diamars, 16 di december te cu diaranson, 24 di december, nobena di Aurora ta cuminsa pa 5'or di madrugada. Pa 4:10 ta resa Santo Rosario cu Leta-

nia. Un suplica na tur hende cu tin intencionnan pa e misanan aki, por fabor cuminsa trece esakinan NA TEMPO. Durante e nobenan di misa di Aurora tur Santo Sacrificio di misa di 8'or di mainta ta wordo CANCELA.

Diaranson, 17 di december,

CONFESION GENERAL pa 5'or di atardi. Ta bon pa nos haci un confesion sacramental pa prepara nos interior personal pa reconcilia cu nos Señor. Lo tin pastooran di diferente parokianan di Aruba presente pa e ocasion aki.

Directie Natuur en Milieu (DNM) ta cera en conexion cu limpieza anual di e edificio



Den cuadro di limpieza anual di e edificio monumental di Uncle Louis Store situa na B. v/d Veen Zeppenfeldtstraat #7 nos ta anuncia cu DNM su oficina situa den e edificio aki na San Nicolas ta cera diabierna awo, 5 di december 2025. DNM lo ta cera y ta habri bek dialuna 8 di december orario normal di 7:30 di mainta en adelante.

E mantencion anual di e edificio aki ta pa prevencion di schimmel y ta rekeri pa e staff y personal ta ausente pa asina realisa e trabounan necesario. Pa cualkier eventualidad, por manda nos un mensahe via nos plataforma di Facebook #dnmaruba. Pa cualkier melding di emergencia cu tin di haci cu naturalesa y medio ambiente por haci esaki via KPA, Polis.

Resultado Sorteo
3 december 2025

Cadena Alexander Lottery ta presenta resultado di weganan di suerte

DIARIO	KORSOU	SUPER4	FLAMINGO
9364	9817	2922	6075
2704	2898	SUPER5	2751
3158	3684	-	3212

MERDIA

ANOCHI

CATACHI

Sorteo # 4822

3076

5831

0560

MULTI-X

X2

BIG 4

Sorteo # 4822

1403

MULTI-X

X2

1OFF

Sorteo # 2878

4385

ZODIAC

Sorteo # 4822

8528

Piscis

LUCKY 3

Sorteo # 1696

179

MULTI-X

X2

CATACHI

Sorteo # 8717

6417

5898

6456

MULTI-X

X3

BIG 4

Sorteo # 7761

8715

MULTI-X

X2

1OFF

Sorteo # 2466

1903

ZODIAC

Sorteo # 6520

9798

Geminis

LUCKY 3

Sorteo # 1450

793

MULTI-X

X2

LOTTO 5

Sorteo # 2650

0 x Jackpot

1 x Match 4+

14 x Match 4

338 x Afl. 12,00

07-09-13-15-23

Joker 11 Letter L

Proximo Jackpot

400.000,-

LOTTO DIA

Sorteo # 7028

0 x Jackpot

6 x Match 4

128 x Afl. 8,00

07-16-18-25-27

Proximo Jackpot

150.000,-

MEGA

Sorteo #

0 x Jackpot

0 x match 4

0 x Afl. 500,00

0 x Afl. 50,00

0 x Afl. 15,00

Mega Ball

Proximo Jackpot

300.000,-

Afl. 400.000,-

KORSOU

Sorteo #

#VALUE!

Sorteo # 221

160863

King Classic Sudoku

8		3		6		9		1
6	1			7	8			3
9		7	1				6	
							8	
			4	5		7		
	4			8	6			9
	7	5		1				8
	9		6	4				
		1					9	5

Difficulty: ★★★

12/3

©2025 King Features Syndicate, Inc.



Cas Di Cultura

Vondellaan 2 Aruba
297-582-1010

F A D A

Campanastraat 5 Aruba
297-583-2999
297-583-9610

F A V I

Primavera 233 Aruba
297-582-5051
297-582-5222

F E P O

Engelandstraat 15 Aruba
297-583-1016
297-583-6607

Fundacion Contra
Violencia Relacional

Tel: 583-5400

Fundacion Autismo
Aruba

Irenestraat 21 Aruba
297-588-1179

Fundacion Pa Nos
Muchanan

Cumana 2 Aruba
297-583-4247

Fundacion Tel Pa
Hubentud

Wilhelminastraat 19
Aruba
297-588-6138

Koningin Wilhelmina
Fonds

Spinozastraat 9 Aruba
297-582-0412

Mary Joan Foundation

Sabana Blanco 8 Aruba

297-588-9999

Rode Kruis Aruba

Pedro Gallegostraat 14

Tel.297-582-2219

Fax 588-3376

Famia Planea (SBVO)

Avenida Milio J Croes 17
B Aruba
297-588-9591
www.famiaplanea.org
famiaplanea@hotmail.com

Stichting Fundacion
Guia Mi

George Madurostraat 34
297-582-0088

Y M C A

Calbasstraat 1 Aruba
297-582-3072

AL-ANON group

Sabana Liber #8, Noord
(close to the hotels)
Tel: 736-2952 or
593-7081



Dokter na warda

Oranjestad San Nicolas
Hospital Imsan
7:00 pm / 10:00 pm 24 ora

Botica na warda

Oranjestad: San Nicolas:
Eagle: Centro Medico:
Tel. 587 9011 Tel. 584 5794

EMERGENCIA 911

POLIS

Oranjestad 100
San Nicolas 104
Santa Cruz 105
Noord 107

Tip Line

11141
Brandweer 115
Ambulance 911
Hospital 527-4000
Imsan 524-8833
Warda Costa 913
Seguridad Nacional 11911
Cruz Cora 582-2219

BOTICA

Aloe 584-4606
4 Centro Medico 584-5794
Central 585-1965
Dakota 588-7364
Del Pueblo 582-1253
Eagle 587-9011
Kibrahacha 583-4908
Maria 585-8145
Di Servicio Noord 586-4606
Oduber 582-1780
Paradera 588-6638
San Lucas 584-5119
Santa Anna 586-8181
Santa Cruz 585-8028
Sero Preto 584-4833
Trupial 583-8560

UTILIDAD

Setar 117
Web 525-4600
Elmar 523-7147

FUNERARIA

Aurora 588-6699
Royal Funeral H. 586-4444
Ad Patres 584-2299

Aruba Transfer Tour &
Taxi C.A.

Tel: 582 2116 /582 2010

Taxi Adres Services (24h)

Tel. 587 5900

A1 Taxi Services Aruba

Tel: 587-8850
Tel: 280-2828
Whatsapp: 592-7024

San Francisco su caiman
albino stima, Claude, ta
fayece cu 30 aña



(AP) - Un caiman albino poco comun yama Claude, cu tabata stima pa fanaticonan rond di mundo, a fayece diamars segun California Academy of Sciences na San Francisco. E tabatin 30 aña.

E museo di ciencia na Golden Gate Park ta popular cu studiantenan di Bay Area y turistanan internacional, y varios mucha durante aña a caba nan bishita cu un pelucha di Claude pa bay cunecash. Como un mascota no oficial di e museo y e ciudad, Claude tabata aparece den buki di mucha y avisonan na parada di bus y stacion di trein.

E caiman icono tabatin “un carisma keto” cu a cautiva e curason di tur hende den su 17 aña na San Francisco, e museo a bisa den un declaracion. Tambe el a bisa cu tin menos di 200 caiman albino na mundo.

“Claude a demostra nos e poder di bestia embahador pa conecta hende na naturalesa y causa curiosidad pa siña mas tocante e mundo rond di nos,” el a bisa.

Claude a nace den 1995 na un

criadero di caiman na Louisiana, y a bay biba na Academy den 2008. El a nace cu albinismo, un mutacion genetico cu ta haci e musta blanco. Su wowonan tabata un color ros-cora a causa di e adernan di sanger cu ta visibel via su iris transparente.

Caiman albino no ta sobrevivi pa hopi tempo den selba, sinembargo caiman Mericano por biba te hasta 70 aña den cautividad. E museo a celebra Claude su di 30 cumpleaños den september cu celebracionnan, speech y un bolo pa caiman special traha di ijs y pisca.

Claude, ken tabata 3 meter y 136 kilogram, recientemente a ricibi tratamiento pa un infeccion despues di a muestra un reduccion den su apetit. University of California, Davis School of Veterinary Medicine lo examina Claude pa haya sa un posibel causa di su morto.

E museo lo tin un sitio pa recorda Claude publico, pero pa awo, hende por comparti recuerdo cu Claude y manda mensahe na su ekipo di cuido di ser humano na California Academy of Sciences.

Pronostico di
tempo



Tempo:

Awe tardi y awe nochi: parcialmente nubia y generalmente seco
Den marduga y mañan: parcialmente nubia cu algun awasero

Temperatura maximo 31 grado Celsius
Temperatura minimo 26 grado Celsius
Indice di calor (heat index) den y rond di oranan di merdia: 32 pa 37 grado Celsius
Uv index: 7

Bahada di solo : 6:12pm
Subida di solo : 6:47am

Biento:

Moderado for di direccion generalmente oost; forsa 3 te 4 (12 te 30km/ora, 07 te 16 nudo).
Durante di dia posiblemente basta fuerte den rafaga; forsa 5 (31 te 39km/ora, 17 te 21 nudo)

Situacion general di
tempo:

Un disturbio persistente den diferente nivel di atmosfera, ta causando un coriente di aire humedo. Debes en cuando mas nubia lo bay pasa riba e isla cu principalmente den oranan di marduga y mainta algun awasero breve.

Condicionnan maritimo/
estado di lama:

Na partinan protege di costa: keto cu olanan rond di 1 pia. Na partinan zuid: trankil cu olanan di 1 te 2 pia. Na partinan oost te noordwest di costa: modera cu olanan alrededor di 3 pa 4 pia.



Aurora

Royal Pray

Funeral Home & Crematory

*“Señor ta mi wardador, mi’n tin falta di nada.
Den cunucu di yerbe berde e ta ponemi sosega. E
ta hibami na awa trankil, pa mi bolbe haya forsa”*

Cu inmenso amor y gratitude pa tur locual e la
nifica pa nos, ta anuncia fayecimento Cristian di;



Clyde Orman
*02 -03-1956 - †28-11-2025

Na number di

Mayornan: † Roberto B. Orman y † Marcela
Orman-Boekhoudt

Esposa: Frida Orman-Limonier

Yiu: Norman Orman y Yeniree Penja

Nietonan: Nayira Orman
Nayree Orman
Naylie Orman
Neyven Orman

Ruman nan:

Burny Ibarra-Orman y +Marcial Ibarra y famia
† Donald Orman y famia
James Orman y Erica Orman-Brete y famia
Stanley Orman y Stella Orman-Arends y famia

Iha: Hildomar Limonier

Subrino y subrina nan, swa y cuñanan, primo
y prima nan, amigo y conocir nan, Ex colega
nan di Cuerpo Policial Aruba y demas famia na
Hulanda.

Demas famia: Orman, Boekhoudt, Limonier,
Penja, Croes, Luydens, Acta, Ibarra, Brete,
Arends, Ruiz, Hennep, de Cuba, Clement,
Joung, Semeleer, Tromp, Luidens

Acto di entiero lo tuma lugar Diasabra 06
di December 2025 na Misa Santa Filomena na
Paradera di 2or pa 4or di atardi y despues lo sali
bai pa santana catolico na Paradera

Nos disculpa si den nos tristesa nos por a lubida
di menciona algun familiar.

Nos ta lamenta cu nos no ta ricibi bishita di
condolencia na cas.


Aurora

Royal Pray

Funeral Home & Crematory

*Laga tur loke ta sperami ta
bunita
Laga tur locual cumi encontra
na caminda ta bunita
Laga tur locual cumi laga
atras keda bunita y
Laga esakinan termina den tur
buniteza.
Autor: Cado Wever*

Cu hopi tristesa pero
conforma cu boluntad di
Dios, alabes agradecido pa tur
loke e la nifica pa nos, nos ta
anuncia fayecimento di nos
tata, opa, ruman, tio, primo y amigo stima:



Adriaan Laclé
Cariñosamente yama “Janchi”
*11-09-1942 - †27-11-2025

Na number di su:

Esposa stima: Magda L.F.Laclé-Wever

Yiunan:

Adrian G. Laclé y Paula Laclé-Soto
Jose A. Laclé
†Juan Carlos Laclé

Nieta stima: Anahi Sophia Laclé

Rumannan:

†Eugene O. Laclé
Lilian B. “Lichi” heronimo-Laclé
Carmen de Lourdes “Cachita” Laclé
Mario F. “Mai” Laclé

Sua y cuñanan:

Ilva L. F. Wever
Ricardo A. B. Wever
Ivonne L.A. Wever-Wever
Maureen F. J. Samander-Wever
Victor W. Wever

Amigo(a)nan mescos cu ruman di Giselle Department
Store.

Amigo(a)nan di grupo di Hesu Misericordioso y La
Birgen de Fatima.

Amigonan di tur e softball teamnan cu e la junga pe.
Ex coleganan di departamentona di Gobierno.

Amigonan stima:

Leo Croes
Johnny Garcia
Nino Abreu
Primo(a)nan stima:
Raymond Arends
Chogogo Arends
John Eloy Arends
Leoncita Laclé y rumannan
Madeline Mansur-Arends
Mariela van den Bosch-Arends
Viveca Oduber y rumannan
Ankie Bruin y rumannan

Bon bisiñanan, subrino(a)nan, primo(a)nan, ihanan,
demas famia y amistadnan na Aruba, Corsow, Hulanda,
Venezuela y Merca.

Demas famianan: Laclé, Wever, Arends, Oduber,
Merryweather, Croes, Heronimo, Samander, Pichardo
y Irausquin.

Nos disculpa si den nos tristesa nos por a lunida di
menciona miembronan di famia y amigonan.

Condolencia lo tuma lugar na Royal Funeral Home
diaranson 3 di december 2025 di 7or pa 9or di anochi.

Entierro lo tuma lugar na Misa Inmaculada Concepcion
diahuebs 4 di December 2025 di 2’or pa 4’or di atardi
despues lo sali pa Santana Catolico na Sta Cruz.

Nos ta lamenta cu despues di entierro nos no ta ricibi
bishita di condolencia na cas.

Aurora

Royal Pray

Funeral Home & Crematory

*"Dios ta amor... y amor ta
Dios,
maske mi no ta na e
mundo aki, tur dia lo mi
ta banda
di boso Curazon, mi por
stens di loke Señor ta hasi"
Salmo 33*



Cu inmenso tristeza den
nos curason pero hopi
agradecido pa tur loke
nos a comparti cun’e nos
ta anuncia fayecimento
inespera di nos ser stima:

Lina Mercedes Boezem
Cariñosamente yama “Inchi”
*24-09-1957 - †01-12-2025

Na number di su mayornan:

† Mario S. Boezem
† Reineta Boezem-Kock

Yiunan:

Ariani y Juan (Eloy) Werleman-Peña
Kimberly y Andro Offerman-Peña

Nietonan:

Jean Pierre Peña
Denvert Werleman i Ju-Haila Dubero
Joshmar Polo Solis
Lizienne Offerman
Zikion Offerman

Rumannan:

Sidonia (Donna) Fabus-Boezem
Brigida (Mariana) Leon-Boezem
Lodevicus Boezem
Ingrid (Gi) Martinus-Boezem

Rumannan di criansa:

Winston (win) Martines, Ruman nan y famia

Swa nan:

† Martin Fabus
Enwin Leon
† Marlon Martinus

Sobrina y sobrino nan:

Mariela y Jairo Dijkhof
Marisela y Andy Williams
Otniel Fabus y Athmay Carty
Alex y Liliana Leon
Stacy Boezem
Ingmar y Aylin Martinus
Zahaira Martinus

Tanta y Tio nan, primo(a) nan, Iha y amistad nan na Aruba,
Boneiro, Curacao, Hulanda, Venezuela, Merca, Surinam y
Argentina.

Amiga nan:

Itala Wever, Sonia Franken, Magaly Kock, Magaly Pourier,
Elena Pourier.

Su grupo "Flor di Brazil "

Demas famianan: Boezem, Kock, Peña, Werleman,
Offerman, Fabus, Leon, Martinus, Bislip, Dijkhoff, Bareño,
Melaan, Faneyte, Marceli-Faneyte, Leañez, Martines,
Limonier, Dubero, Genser, Hooker.

Condolencia lo tuma lugar na Pray Funeral home
diahuebs 4 di December 2025 di 7or pa 9or di anochi.
Entierro lo tuma lugar na Pray Funeral home diabierna 5
di December 2025 di 2or pa 4or di atardi despues lo sali pa
Santana central Sabana Basora.

Nos disculpa si den nos tristesa nos por a lubida algun
persona of famia.

Desco di e defunto pa bin bisti na colornan alegre.

Despues di entierro nos no ta ricibi bishita di condolencia
na cas.

Aurora

Royal Pray

Funeral Home & Crematory

“Señor ta mi wardador, mi’n tin falta di nada.
Den cunucu di yerba berde e ta ponemi sosega.
E ta hibami na awa trankil, pa mi bolbe haña forsa”.
Salmo: 23



Nos ta participa fayecimento di:

Robers Dormilus
*15-04-1963 - †25-11-2025

Na number di su:
Casa: Nahomie Louis Jean

Yiunan:
Quidlen Henricus
Obed Dormilus

Rumannan:
Tepson Dormilus
Bertho Dormilus
Bertha Dormilus
Solange Dormilus
Carmen Dormilus

Sobrino(a)nan:
Johnny, Denis, Belinda, Renette, Betsya

Primo(a)nan, amigo(a)nan, conocirnan y bisñanan:
Vanel Rempart y famia
Calixte Rempart y famia
Genevieve Maxi y Ernts Maxi
Michelet Toussaint y famia

Ta invita pa acto di entierro cual lo tuma lugar na IGLESIA ASSEMBLEA DI GRACIA ARUBA, patiastraat 13, diasabra 6 di December 2025 di 2or pa 4or di atardi. Despues lo sali pa Santana Central Sabana Basora

Condolencia lo tuma lugar na Aurora Funeral Home diabierna 5 di December 2025 di 7or pa 9or di anochi.

Nos disculpa si den nos tristesa nos por a lubida cualkier persona

Aurora

Royal Pray

Funeral Home & Crematory

“Señor ta mi wardador, mi’n tin falta di nada.
Den cunucu di yerba berde e ta ponemi sosega.
E ta hibami na awa trankil, pa mi bolbe haña forsa”.
Salmo: 23



Cu dolor na nos curason, nos ta participa fayecimento di nos ser stima:

Sra.vda. Maria Dolly D. S. Márquez
*06-12-1941 - †02-12-2025

Acto di entierro lo wordo anuncia despues

Aurora

Royal Pray

Funeral Home & Crematory

Hesus a bisa laga e mucha nan bini serca mi paso e Reino di Dios ta di nan tambe.

Cu inmenso tristeza den nos curason nos ta anuncia fayecimento di nos Angelita:



Charienne Alina Odor
*13 sept. 2025, Cali
†21 sept. 2025, Cali

Na number di su:
Mama: Charlene Odor

Welo: Eziquiel Odor

Wela: Vieri Ras

Tanta:
Charmain Odor y Eduard Dirksz

Omo: Shannon Odor

Primo nan:
Jaython, Jaylan y Jaylon Machado-Guillen

Bisa welo: Tomas Ras

Tanta grandi:
Geraldine y Edward Blom-Ras y yiu Gered Blom

Omo grandi: Eldrick Ras

Demas famia nan na Aruba, St Croix, Merca, Hulanda, Spaña.

Acto di despedida lo tuma lugar den seno familiar Diasabra 6 di December 2025 na Aurora Funeral Home di 9or pa 10or di mainta y despues lo sali pa Santana na Sabana Basora

Like
us on
Facebook
facebook.com/bondianoticia

Merca lo limita visa pa Nigerianonan y nan famia envolvi den violencia contra Cristiannan



(AP)—Merca lo limita visa pa Nigerianonan y nan famia envolvi den asenatonan masal y violencia contra Cristiannan den e pais West Africano, segun e Departamento di Estado a bisa diranson.

E atakenan riba e comunidad ta parti di un crisis di seguridad extremadamente compleho na Ngieria—un nacion cu presidente Donald Trump a enfoca riba dje pa e “asesinato di Cristiannan” pa “Islamistanan radical.”

Luna pasa, Trump tambe a bisa cu el a duna orden na e Pentagono pa cuminsa planifica pa posible accion militar na Nigeria despues di e declaracionnan di persecucion Cristian. “Merca ta tumando accion decisivo den respuesta na e asenatonan masal y violencia contra Cristiannan pa teroristanan Islamista radical, e milicianan Fulani etnico, y otro actornan violento den Nigeria y den otro parti,” secretaria di Estado Marco Rubio a bisa den un declaracion publica riba X.

El a agrega cu e politica lo aplica na otro gobierno of individuonan cu a participa den violacionnan di libertad reli-


gioso, y cu e restriccionnan ta den cuadra cu un politica nobo bao di e Acto di Inmigracion y Nacionalidad.

E decision ta sigui e designacion di Nigeria pa Merca como un “pais di preocupacion particular” bao di e Acto Internacional di Libertad Religioso luna pasa.

No tabata inmediatamente cla con e politico di diaran-son lo ser implementa, como cu e Departamento di Estado ya tin e habilidad pa limita biahamento pa Merca pa esnan envolvi den abusonnan di derecho humano.

Ademas di Nigeria, e lista di nacionnan designa como “paisnan di preocupacion particular” ta inclui China, Eritrea, Iran, Myanmar, Corea di Norte, Nicaragua, Pakistan, Rusia, Saudi Arabia, Tajikistan y Turkmenistan.

Atakenan den Nigeria tin varios motibo. Tin esnan religiosamente motiva dirigi riba ambos Cristian y Musulman, como tambe conflictonan entre campesino y cuidador di bestia tocante recursonan limita, rivalidad comunal, gruponan separatista y conflictonan etnico.



Israel ta bisa cu lo habri e crusada di frontera na Rafah atrobe

Esaki ta kico e ta nifica pa Palestinonan den Gaza

(AP)—Israel a bisa di aranson cu e lo habri e crusada di frontera na Rafah den e proximo dlanan, permitiendone Palestinonan pa bandona Gaza. Esey por ta un desaroyo grandi pa residentenan di e franja devasta, pa ken haya un salida tabata extremadamente difícil—si no imposible—durante gran parti di e guerra.

E anuncio a trece speranza cu miles di hende malo y herida den Gaza por finalmente haya acceso na e cuidu cu nan mester. E sistema di salud na Gaza a ser destrui pa e guerra di dos aña, cual a pone proceduranan cirurgico fuera di alcance.

Pero tin complicacionnan. Di un banda, Israel ta bisa cu Palestinonan cu kier sali for di Gaza lo mester haya aprobacion di Israel y Egipto. No ta cla kico e criteria lo ta pa esaki. Un otro condicion cu Israel tin ta cu te ora e militantenan na Gaza debolbe tur rehen cu nan a tuma dia 7 di october 2023—e atake cual



a causa e guerra—e lo solamente permiti Palestinonan pa sali for di e teritorio, no drenta.

Egipto, mientras tanto, ta bisa cu e kier pa e crusada habri di tur dos direccion inmediatamente, pa asina Palestinonan na Egipto por drenta Gaza. Esey ta un posicion cu ta bin for di e oposicion fuerte di e pais pa refugiadonan Pales-

tino keda permanentemente den e pais.

Un speranza pa Gaza

Prome cu e guerra, Rafah tabata mira hopi hende y productu sali y drenta entre Egipto y Gaza. Aunke Gaza tin cuatro otro crusada riba frontera, nan ta comparti esakinan cu Israel, y solamente Rafah ta conecta e teritorio

cu un otro pais.

Despues cu e militantenan lidera pa Hamas a invadi e region sur di Israel na 2023, matando casi 1.200 hende y tumando 251 otro rehen, Egipto a fortalece su restriccion riba trafico via e crusada di Rafah. Despues cu Israel a tuma control di e banda di Gaza na mei 2024 como parti di su ofensiva cu a mata mas

cu 70.100 Palestino, segun e ministerio di Salud na Gaza, el a cera e crusada cu excepcion pa evacuacion medico.

E ministerio no ta distingui entre militante y ciudadanonan, aunke e ta bisa cu casi mita di esnan asesina tabata hende muher y muchanan. E ministerio ta opera bao di e gobierno controla pa Hamas. E tin profesionalnan medico y ta mantene registracionnan detaya mira como generalmente confiable pa e comunidad internacional.

Un crusada di Rafah habri atrobe lo hacie mas facil pa Palestinonan na Gaza busca tratamento medico, biaha internacionalmente of bishita famia na Egipto. E Organizacion Mundial di Salud (WHO) ta bisa cu tin mas cu 16.5000 hende malo y herida cu mester sali for di Gaza pa cuidu medico.

Tambe e lo yuda e economia destrui di Gaza, permitiendone comerciantenan Palestino di bende nan productonan den otro paisnan.

Union Europeo ta actualisa guia di asilo pa Sirionan 1 aña despues di caida di ex presidente

(AP)—Union Europeo (EU) a emiti diaranson un guia actualisa pa aplicacion di asilo pa ciudadanonan Sirio cu ta refleha condicionnan nobo na Siria un aña despues di e caida di ex-presidente Bashar Assad. E retonan por influencia e resultado di peticion pa asilo di casi 110.000 Sirio cu ainda tabata wardando pa un decision di asilo na fin di september.

E Agencia pa Asilo di Union Europeo a bisa cu oponentenan di Assad y evasornan di servicio militar “no ta na riesgo mas di persecucion.” Pero e agencia a bisa cu por considera otro gruponan na riesgo despues di e caida di Assad, incluyendo hende afiliado cu e ex-gobierno y miembronan di e Alawitanan, Cristianan y Gruponan etnico-religioso Druze.

Mientras cu decisionnan riba aplicacion di asilo ta tuma luga riba nivel nacional, e guia di agencia ta ser usa pa informa e 27 estado miembronan di EU, como tambe Noruega y Suisa. E meta ta



pa crea mas coherencia entre e 29 nacionnan dunando proteccion internacional.

E cantidad di Sirionan pidiendo asilo a cay significativamente for di 16.000 na october 2024, prome cu e caida di Assad, pa 3.500 na september 2024. Asina mes, Sirionan tabatin e cantidad di caso mas halto wardando pa entrada.

E conflicto na Siria a cuminsa na maart 2011 a mata casi mita miyon hende y a desplaza mita di e poblacion preguera di 23 miyon. Mas cu 5 miyon Sirio a huy for di e pais como refugiado. Mientras cu mayoria a busca refugio den paisnan bisiña manera Turkia, hopi tambe a bay pa Europa, contribuyendo na e crisis di refugiado den e continente

na 2015.

Entre 2021 y juni 2025, estado miembronan di EU hunto cu Noruega y Suisa a duna status di refugiado pa casi 704.900 aplicante for di Siria den decisionnan di prome entrada, segun e agencia di asilo Europeo.

E EUAA a bisa cu e situacion na Siria ta “considera mehora

pero volatil” desde e caida di Assad na december 2024, y cu “violencia indiscriminatorio ta sigui tuma luga” den cierto parti di Siria.

Hopi Sirio tabatin speranza despues di e caida di Assad na december aña pasa. Sinembargo, asesinatonan sectario contra miembronan di Assad su secta Alawita minoritario den e region costero di Siria y contra e minoria Druze den e provincia sur di Sweida na comienso di aña a tuma centenares bida.

Asina mes, e agencia a bisa cu awor e ta considera Damascus, e capital, safe. E agencia tambe a cita dos otro grupo bibando na Siria cu mester keda eligible pa status di refugiado: personanan di e comunidad LGBTQ+ y Palestinonan na Sirio cu no ta ricibi asistencia of proteccion mas di Nacionnan Uni (UN).

Desde e caida di Assad na December, mas cu 1 miyon hende a bolbe Siria y casi 2 miyon hende internamente a bolbe na nan region, segun e Alto Comisario pa Refugiadonan na UN.

Prepara pa e dianan di fiesta cu



Facil, rapido y atractivo.

Logra bo metanan di fin di aña cu un prestamo cu un pago mensual economico cu ta fit bo budget.

Si bo kier drecha bo cas, cumpra muebles nobo, decora pa dianan di fiesta, of reuni cu bo ser kerí, nos ta yuda bo **transforma e dianan di fiesta den un celebracion inolvidabel cu e Alegria Express di CMB.**

Presta responsabel. E oferta aki (Alegria Express) ta valido te cu 31 di december, 2025 y ta exclusivamente pa clientenan cu tin un record di pago satisfactorio segun exihencionan di Caribbean Mercantile Bank N.V. Clientenan cu aplica ta bin na remarca pa un interes efectivo di 15.00% p.a. y cu un termino maximo pa paga bek di te cu 5 aña y un suma maximo di Afl. 35,000.00. Despues di e periodo di e oferta e interes lo bai bek na su interes normal di 16.5% p.a. Cada aplicacion, sea ta nobo of existente, lo wordo evalua segun su propio meritonan, y segun normanan y reglanan standard di Caribbean Mercantile Bank N.V. Condicionnan di empleado no ta aplicable pa e oferta aki. Un seguro di risico lo wordo cobra igual na 4% di e suma di e prestamo mas e interes cu un maximo di Afl. 900.00. Den caso cu prestamonan personal wordo cancela prome cu e termino acorda, Caribbean Mercantile Bank N.V. lo no restitui ningun gasto cu a wordo cobra caba (manera pero no limita na gastonan di seguro di risico y refinanciamiento) y ta reserva e derecho di cobra un boet di 3 luna di interes ariba e suma di e suma di pago cu un minimo di Afl. 500.00 depende si cancelacion ta dentro of despues di 6 luna di e fecha cu ricibi e notificacion por escrito. Caribbean Mercantile Bank N.V. ta reserva e derecho di por cancela e promocion aki na cualkier instante. E relacion entre Caribbean Mercantile Bank N.V. y su clientenan ta wordo determina pa e Condicionnan General di Caribbean Mercantile Bank N.V.

CMB: Alegria Express



CALCULA BO PAGO
MENSUAL RIBA
eAmigo.com

Scan QR code
pa calcula bo
pago mensual

